


漢書人表考
考補附錄
二





漢書人表考

考補附錄

(二)

梁玉繩撰




叢書集成

初編

主編者
王雲五

商務印書館發行



漢書人表考卷三

上下智人

倉頡黃帝史

倉頡始見荀子解蔽又作蒼

韓子五蠹呂覽君守路史前紀六注以作蒼為非

姓侯剛

宋姚寬西溪叢語路史作岡

亦曰史皇

呂覽勿躬淮南脩務

亦曰

頡皇淮脩務注

亦曰聖蒼

金石錄蒼頡碑

亦曰皇頡

通志總序

亦曰倉帝

水經洛水注路史前紀六及發揮史皇篇

龍顏

路史

四目

論衡骨相蒼頡碑

產而能書

淮脩務

寫

倣鳥迹以造文章

呂君守注

天雨粟鬼夜哭

淮南本經又注云鬼或作兔恐取毫作筆害及其軀

古造書凡有三人長名曰梵其書右行次曰

佉盧其書左行少者蒼頡其書下行

唐釋道世法苑珠林

以丙寅日死故學書諱丙日

路史注

葬馮翊衙縣利陽亭南墳

高六丈學書者皆往上姓名投刺祀之不絕

續郡國志注御覽五百六十引皇覽

案倉頡或以為古帝或以為黃帝史官疑

莫能定詳書序疏中路史從古帝解謂倉帝史皇非人臣之號殊不然倉帝之稱出于讖緯雜說如書疏

引慎子水經注路史引河圖玉版之類乃後人尊之云爾非其本號不足取據

或言蒼帝是稱伏羲亦通

左傳楚有史皇

戰國趙策有苦成帝

一作常

豈亦非人臣乎呂覽君守敘史皇在二十官之中其非帝王可知故論衡骨相

云蒼頡為黃帝史與班氏同當是也。

敷手。舜妹師古曰敷音口果反俗書本作擊字者誤。

敷手始見此。舜妹始見列子楊朱。敷又作顛。史五帝紀正義。又作嫫。路史後紀十二注。又作敷首。說文

支部。名繫。列女傳。

案列女傳言舜女弟繫。師古謂俗本擊字疑是繫之譌。抑或誤合敷手為一也。手首二字

古通。儀禮士喪禮魚左首進鬢。鄭注古文首為手。左氏成二經。曹公子首。公穀皆作手。左宣二傳見其手。釋文一作首。襄廿五傳授手于我家。語正論引作授首。檀弓下斂首足形。家語子貢問作斂手。穀梁定十傳首足異處。公羊注同。史孔子世家家語相魯作手足。褚先生補史龜策傳曰足胥手仰有外亦以手為首。

董父。董父始見左昭廿九。父又作甫。路史後紀八。颺叔安裔子。好龍。能擾畜之。舜賜姓曰董。氏曰豷。龍封諸

澠川。左傳。

石戶之農。釋史本殿本四字連文他本誤連石字于董父下。

石戶之農始見莊子讓王。呂覽離俗。石戶地名。農農人。戶又作后。莊釋文。

舜之友。讓以天下。入海不反。莊呂

北人亡擇。北人亡擇始見莊子、呂覽。亡皆作無。北人複姓。廣韻注。舜之友讓以天下自投清冷之淵。莊呂。

雄陶。雄陶惟見四八目引尸子。雄字作雒。隸轉失之。路史後紀十二注。雄姓。廣韻注。又作熊。路史國名紀六。案熊雄古通。伏

義號皇雄氏。一作黃熊。八元仲熊。一作仲雄。皆見前。本書膠東王雄渠。年表作熊渠。魏書羊祉傳以雄武為

熊武。而雄雒二字以形近致譌。如越大夫王孫雒。今本越語下。史越世家。呂氏春秋當染並誤作雄。可以

互論。

續身。續牙始見尸子及韓子說疑。續姓。廣韻注。隸者多以牙為身。路史後紀十注。又作耳。呂覽本味。案長洲顧氏藹吉

隸辨。牙字作牙作耳。與身字耳字相似。故譌。路史後紀十二注以為隸轉失之。是也。至謂高辛生續牙。恐

不可信。

栢陽。伯陽始見尸子及墨子所染。韓子說疑。呂氏春秋當染。本味。韓子作晉伯陽。疑晉是姓。

東不訾。東不訾惟見尸子。東姓。廣韻注。又作董不識。韓子說疑。任兆麟輯尸子仁意篇作東不識。

秦不虛。師古曰。雒陶以下皆舜之友也。身或作耳。虛或作字。並見尸子。秦不虛惟見尸子。虛又作空。四八目引皇甫謐逸士傳。而任本尸子作不空。又作宇。師古注及路史後紀十二國名紀六。

案陶潛四八日云戰國策顏斶曰舜有七友尸子載雄陶等六人不載靈甫逸士傳與國策相應此表置

靈甫不錄蓋本尸子任本尸子有恐非然記維陶五人獨移方回于前且高一等何也又路史以雄東秦續皆國名

亦難信各本師古注譌友為支字為字

昭明子昭明契子始見荀子成相禮祭法疏引世本居砥石商書序疏引世本及荀子又遷于商子

奚仲奚仲始見管子形勢左定元年任姓左隱十一疏引世本黃帝之後呂覽君守注黃帝妃嫫母生禹陽禹陽生禹號

禹號生脩梁脩梁生番禺番禺生奚仲路史後紀五羅萃注以山海大荒東經黃帝生禹號海內經帝俊生禹號為非其實路史亦不可信姑記異耳唐書任氏世系表又云黃帝子禹陽十二世孫奚仲薛氏

表云黃帝孫顛頊少子陽十二世孫奚仲為夏車正居薛遷邳左定元亦曰任奚潛夫志葬薛城南二十五里山上水經泗水注續郡國志注

相土昭明子相土始見商頌長發昭明子始見祭法疏引世本相土又作相士周禮校人注引世本及竹書土士古通寫亦稱乘杜

荀子解蔽注云杜與土同以居商丘左襄九故曰商侯竹書案呂覽勿躬云乘雅作駕注雅一作持疑皆杜字之譌

其作乘馬之法故謂之乘杜

六卿。六卿惟見書甘誓。案此但六軍之將不知為誰表可不列。

不窋。窋弃子師古曰窋音竹出反。不窋始見左文二周語上弃子始見史周紀世表葬慶之安化州東三里路史國名紀三。案

不窋非后稷親子說在史記志疑三路史發揮引杜釋例作僕窋恐誤不窋之玄孫為皇僕故知誤也。

少康相子。少康相子始見左襄四哀元遷于原竹書外紀通志惟路史後紀十四作四十六年。年八十有八路史。

二姚少康妃。二姚始見左哀元離騷經虞思以妻少康始見哀元姚虞姓杜注。

芬師古曰音紛。案史少康子杼杼之子槐索隱引世本左昭廿九疏引世紀並作芬則芬槐一也表于第五等。

云槐杼子而又列芬于上下蓋此為重出路史後紀十已論之。

芒槐子。芒槐子始見史夏紀世表又作荒竹書注世表索隱。又作芒如路史後紀十四。又名和路史注引世紀。在位五十八年竹書而外紀路史通。

志作十八或云十三。

泄。泄始見夏紀世表又作洩路史後紀十四。是為世宗路史而左昭廿九疏引世紀作帝世外紀謂或作宗似非。芒子夏紀。在位二十五年竹書而外紀通志作十六路史。

作二 十六 案芒泄二王書傳無聞何以列第三世宗當亦是號猶槐之稱祖武也

不降 不降始見紀表泄子夏紀又單稱降索隱引又作江路史後紀十四而注引山海西山經之帝江謬也亦曰江成外紀通志亦曰北成亦

曰江武路史在位五十九年遜位于弟局至局十年陟竹書與史言不降崩弟局立異三代之世內禪惟不降實有聖德竹書注

劉彙師古曰古累字劉累始見左昭廿九其生有文在手曰劉累因以為名唐書宰相劉氏表陶唐氏後學于豢龍氏以

事孔甲賜氏御龍以豢豕韋之後左傳路史謂堯長子考監明之子封留為留氏累出其後恐不可信

關龍逢 關龍逢始見莊子人間世荀子解蔽宥坐關又作豢董父之後更豢龍為關龍潛夫志氏姓路史後紀八及十四國

名紀三又路史注云關音豢作平聲非然則或以為關姓者失之唐表以關氏為關龍逢後蓋子孫所改也亦曰關逢路史後紀十四注亦曰龍逢呂覽必已慎大諫桀而桀殺之呂必已注葬陳留

開封縣東南龍城宋樂史太平寰宇記二又卷六云在靈寶縣西南龜頭源左脅應城程氏大中在山堂集曰龍逢比干皆死節之臣一在第

二一在第三或傳寫之譌

仲虺師古曰湯左相也仲虺始見商書仲氏廣韻注又作中荀子堯問史殷紀虺又作蕞荀子又作𪔐殷紀又作傀大戴禮虞戴德別雅引石經又作

虺潛夫志氏姓亦曰萊朱孟子路史國名紀六以萊為國名奚仲生吉光山海海內經後十二世生仲虺唐書任薛世系表路史後紀五居薛為湯左相左定元葬

兗州滕縣東南奚仲墓東一統志又云萊朱墓在曹州曹縣南

老彭老彭始見論語大戴禮虞戴德殷賢大夫論語注亦曰殷彭後書張衡傳案老彭疑彭祖之裔舊以為卽

彭祖恐非說見前

義伯

中伯師古曰義仲湯之二臣二伯惟見商書序誼本或作義釋文

卞隨卞隨始見戰國秦策莊子讓王卞又作弁詩關雎序疏隨又作隋荀子成相黃帝妃嫫祖生龍苗龍苗生吾融

吾融生卞明封于卞為卞氏湯代有卞隨路史後紀五國名紀一湯剋桀以讓卞隨乃投桐水死莊子又桐水釋文別作桐作洞呂覽離俗作穎水經

注廿二
作洞

務光。務光始見戰國秦策、莊子大宗師、外物、務又作瞽。莊讓又作牟。荀子耳長七寸。莊大宗師釋文、御覽三百六十六湯時

隱士。淮南精神注、而路史國名紀六謂務五帝時國、以爲堯時務成、商務光皆諸侯、猶言許由諸侯也。辭湯讓負石沈廬水。莊讓王而呂覽作募水。案荀子大略云、舜學于務

成昭、楊注藝文志有務成子十一篇、昭其名也。考韓詩外傳五、堯學乎務成子、附新序五、舜學乎務成跗、路史後紀十二作務成軺、蓋是一人。務光必其苗裔、羅氏言諸侯、恐未然。

伊陟。師古曰、伊尹子也。伊陟始見商書序及君奭、伊尹子。孔傳。

臣扈。師古曰、亦湯臣。臣扈始見書君奭。案商書序、湯勝夏時有臣扈、故師古云湯臣、孔疏曰、湯初臣扈、不得至

今仍在、蓋二人同名、或兩字一誤。又曰、春秋范武子光輔五君、或臣扈事湯、又事太戊也。師古注同後說、考湯爲天子、至太戊踐位、凡九王、據外紀、通志、共百五十五年、而竹書止八十四年、古人多壽、自可相及、但君奭云、在太戊時、則有若伊陟、臣扈、其非湯初之臣扈可知、表與伊陟並列、其爲太戊時之臣扈可知、唐書任薛世系表、路史後紀五謂臣扈乃仲虺之裔、雖未詳所出、而可以證商之有兩臣扈矣、作二人解是。

外壬。中丁弟。外壬、仲丁弟、始見史殷紀、世表、名發。竹書、在位十年、竹書、而外紀、通志作十五年。

河亶甲。外壬弟。河亶甲、外壬弟。始見商書序。名整。竹書亦曰亶甲。書孔傳。亦曰殷整甲。呂氏春秋音初。在位九年。竹書居相序。

葬相州。宋史禮志八。案外壬、亶甲德業無傳。史稱其爭亂。殷衰諸侯莫朝。列于第三。過矣。

巫賢。巫賢始見書君奭。巫咸子。孔傳。

大彭。

豕韋。大彭、豕韋為商伯。始見鄭語。陸終子錢封大彭。彭姓之別。封豕韋。殷衰二國相繼為伯。鄭語注。唐書韋氏表云。大

彭為夏諸侯。少康之世。封其別孫元哲于豕韋。竹書亶甲、祖乙之際。所稱彭伯、韋伯也。表在南庚。陽甲時。

案楊升菴人表論襲路史後紀十四

云。韋、豕韋也。置韋于下上。真豕韋于上下。是以一人而二之。此說甚妄。考證齊氏曰。表與鼓、昆吾並列者。是夏末強國。助桀為虐。成湯所伐者也。後與大彭並列者。是商時伯國。猶周有齊桓、晉文也。國雖是一。其君先後賢愚不同。安得謂是一人乎。羅萃注已微言之。

陽甲。祖丁子。陽甲、祖丁子。始見史殷紀。世表。名和。又名和甲。竹書及山海經注。在位四年。竹書而外紀。通志作七年。又云十七年。

小辛盤庚子。始見史般紀。世表名頌。在位三年。竹書而外紀通志作二十一

案。史謂小辛是盤庚之弟。此以

爲子疑誤。

小乙小辛弟。始見史般紀。世表名斂。在位十年。竹書而外紀二十一通志二十

案。陽甲、小辛、小乙三王皆衰殷

之主。何以居第三。

祖己。始見書高宗彤日。仲虺七世之裔。唐書任薛世系表路史後紀五

孝己。始見戰國燕秦策。莊子外物。荀子性惡。大略殷高宗太子。有至孝之行。荀性惡注。其母早死。高宗

惑後妻之言。放之。文選馬融長笛賦注引世紀。卒于野。竹書。故曾子曰。高宗以後妻殺孝己。家語弟子解

祖伊。始見書西伯戡黎。祖氏。書疏。祖己後賢臣。孔傳

大師摯。太師摯以下八人。惟見論語。太師樂官之長。論語疏。摯名。孔注。亦曰琴摯。文選漢枚乘七發

亞飯干。師古曰。飯音扶。晚反。亞。次也。孔注。飯餐也。皇侃論語疏。干名。孔注。古天子諸侯餐必奏樂。每食各有樂人。皇疏

三飯繚師古曰繚音來離反

四飯缺三飯、四飯樂章名。繚、缺皆名也。注。包

鼓方叔鼓、擊鼓者。方叔名。注。包

播鞞武師古曰鞞音徒高反
播、搖也。武名。孔注。而廣韻注以播鞞為姓稱播武妄也。
鞞、小鼓。周頌毛傳。本作發。論語。又作鞞。皇本論語。

少師陽少師、太師之佐。朱子論語集注。陽名。孔注。

擊磬襄師古曰。自師擊以下八人皆紂時奔走分散而去。鄭玄以為周平王時人非也。
擊磬人名襄。皇疏。
案。孔子明言師摯之始。則孔安國注八人云魯

哀公時樂人。自不可易。史遷禮書序亦云。仲尼沒後。受業之徒。沈湮而不舉。或適齊、楚。或入河、海。吳仁傑云。八人蓋以

雅樂受業于孔子也。然謂其分散在孔子沒後。奚據。
乃十二侯表復以師摯為厲王時人。何也。而本書禮樂志及董仲舒對策並以為紂

時人。故表列摯等于三仁八士之間。廣韻亦云。殷時賢人。見師字。播字注。吳仁傑謂因紂世有太師疵。少師彊而誤。
康成又以為平王時人。斯皆學者異

傳義指乖別不足據依。小顏就文通說未免守株。而于禮樂志反謂孔注未允。以齊楚秦蔡是追繫其地。何專僻之甚耶。

號中。

號叔。師古曰中叔二人皆文王弟也。

號仲始見左僖五。號叔始見書君奭。王季之子。文王母弟。仲叔皆字。杜注。叔封西號。仲

封東號。左隱元僖五疏。周語上鄭語注。

號又作郭。周書王會公羊傳二戰國秦策。

號叔葬滎陽號亭。路史國名紀五。

案晉語四文王敬友二號咨于二

號新序五武王學乎郭叔。韓詩外傳五周公學乎號叔。白虎通辟雍章周公師號叔。則二號不劣于閔散諸人。叔尤勝仲。何以置第三。王光祿尚書後案已非之。錢宮詹曰君奭篇敘殷周賢臣表皆列第二伊陟臣扈巫賢號叔之在第三。後人校刊亂之也。號仲為號叔之兄亦當在二等。

粥熊。師古曰文王師也。粥音弋六反。

粥熊始見列子天瑞。本作鬻熊。左僖廿六。祝融十二世孫。杜注。楚先封鬻夏商間因為姓。路史國名

紀名熊。本書藝文志。

亦曰鬻熊子。史楚世家。

亦曰鬻子。史周紀及藝文志。列子黃帝作粥子。

年九十見文王。

路史後紀八注引鬻子書。為文武師。本書地理志。

周封為

楚祖。藝文志。

辛甲。辛甲始見左襄四。周太史。同上。夏侯啓封支子于莘。莘辛聲近。遂為辛氏。廣韻注唐表七十三。上通志氏族略二。辛甲故事

紂七十五諫而不聽。去至周。封于長子。史周紀集解引劉向別錄晉語所謂文王訪于辛尹者也。亦稱辛公甲。韓子說林

周任。周任始見左隱六。論語周大夫。左注高辛後有周國。周任其後。路史國名紀三古之良史。論語馬注而路史注以為商太史也

史扁。師古曰。扁音編。顏注。依毛本。各本譌編為翮。史扁始見文選東方朔非有先生論注引六韜。又作編。文選魏李康運命論及劉琨贈盧誕詩注引六韜又

作徧。宋書符瑞志為文王卜。畋得太公望。六韜

向摯。殷太史向摯始見呂氏春秋先識處方。殷太史令始見淮南汜論。呂先識作殷內史向又作高。史通十一通典職官三又作

尙。外紀摯又作藝。淮汜論又作勢。通典見紂之亂。載其圖法。出亡之周。呂先識仁和杭太史世駿漢書疏證曰。摯既

殷之太史。宜在太師摯前。不當列周任。史扁後。

邑姜。武王妃邑姜始見左昭元年。武王后。齊太公女。史晉世家集解引服虔注。杜注同案。太公晚遇文王。必不在武王未娶

之先。故詩文王疏曰。武王不應此時方取室。文王未應便為武王取太公女。豈邑姜乃繼室乎。抑非太公女乎。左昭十二稱呂伋王舅。似可為武王娶太公女之證。然天子異姓謂之伯舅叔舅。則亦通稱也。

大姬武王

大姬始見左襄廿五周語中魯語下大音泰釋文武王元女配陳胡公左傳

案馬本妃作女各本

誤妃字王光祿十七史商榷據誤本謂此是武王妃與陳之大姬為二人然則娶于同姓乎不可信也本

書地理志及鄭詩譜言大姬好巫鬼民俗化之故張晏譏其不當在第三

唐表七十一下謂武王以大姬妻遏父生胡公妄也

曹叔振鐸文王

曹叔振鐸始見左僖廿八文王之子始見穀梁昭十四注引世本曹國伯爵

左桓五疏引世本

故

曰叔振鐸史周紀曹世家

亦曰曹叔逸書

亦曰叔振逸書克殷

亦曰叔鐸世家

葬定陶縣鬃山曹伯廿五世咸葬此

字

三記十

毛叔鄭文王

毛叔鄭始見逸書克殷毛國伯爵

左文

又名圉

四八目而左定四注謂名聃諛也

亦曰毛伯明

通志氏族略三

案左僖

廿四毛為文昭則是文王子也但杜定四注以毛叔為武王母弟書顧命疏引王肅云文王庶子疑杜注非

虞闕父 虞闕父始見左襄廿五又作遏父

左隱三疏魯語下注史陳世家索隱唐書陳氏世系表隸釋陳球碑

為周陶正

左傳舜子商均三十二世

孫。唐表。

陳胡公滿。後。舜陳胡公始見左襄廿五、魯語下、名滿、舜後始見史世表、陳世家、闕父之子。詩陳風譜、左國注。封諸陳

以備三恪。左昭八注。賜姓曰媯。左昭八注。陳國侯爵。左隱三疏。亦曰媯滿。世家。亦曰虞胡公。魯語注。亦曰胡滿。魯語注。亦曰虞公。逸書王會。王莽

時追王之。本書莽傳。

衛康叔封。文王子。康叔封始見周書序及康誥、酒誥、梓材。封為衛始見史周紀、文王子始見史管蔡世家。

康圻內國名。叔字。封名。孔傳。衛國侯爵。左隱元疏。故曰衛侯。書顧命。亦曰孟侯。康誥。亦曰懷侯。寰宇記卷五十三。亦曰衛叔。逸書克殷。亦

曰衛伯。路史後紀十、康叔為方伯見孔傳。為衛烈祖。左哀二、晉語九。稱亞聖大賢。康誥疏。葬直隸大名府頓丘縣東北九十里。一統志。

聃季載。文王子。季載、文王子。封于冉。始見史管蔡世家。冉國。季字。載名。世家索隱。伯爵。路史國名紀五。亦曰聃季。左定四。亦曰

聃叔季。唐書沈氏表。案載封國當作聃。周語中作聃。左傳作聃。皆今本之誤。中作冉亦當作聃。乃聃之省。白虎

通姓名章作南音相通借耳杜氏不注聃地孔疏云地闕索隱或作那遂以楚那處實之未知何據文昭十六季載最少何獨遠封權沔之間且果居那口則宜音乃多反不應音奴甘反矣唐表廣韻注並言食采于沈今汝南平輿沈亭即其地恐屬附會蓋因沈有覃音與聃音近故為此說其實平輿之沈別一姬姓國也路史後紀十國名紀五直讀冉為染其字別作隄隄駟謂地在京兆宋重脩梁顧野王玉篇云隄亭名在京兆廣韻五十一忝云在鄭羅

本此以為載初封沈後封冉殊不足信又唐表云聃叔季字子揖尤為繆誕左成八年晉侵沈獲沈子揖豈

季載哉

君陳君陳始見周書

孔傳直云臣名蓋陳其名君者猶君奭然

周公子伯禽弟

禮坊記注

周公元子伯禽封魯次子君陳世守采地

檀弓

上疏引鄭詩是為周平公

竹書韓詩外傳四

芮伯師古曰周司徒也

芮伯以下並始見書顧命周同姓圻內國

書旅巢命傳

司徒第二芮伯為之

顧命傳

案書序武王

時巢伯來朝芮伯作命去成王之沒僅四十餘年未甚相遠而表列為兩人名諡無傳殆不可考

師伯師古曰周宗伯也尚書作彤伯

彤、姒姓之國

顧命疏引王肅而廣韻以為成王宗枝路史後紀十國名紀五謂成王封文子于彤未詳孰是

宗伯第三彤伯為之

顧命傳

案宗伯

掌邦禮。有作師之義。故謂之師伯云。

毛公。師古曰。周司空也。司空第六。毛公領之。孔稱公。三公也。疏。孔是為毛懿公。竹書而路史後紀十以此毛公即毛叔鄭。恐非。

師氏。師古曰。周大夫也。

龍臣。師古曰。周武賁氏也。尚書作武臣。案。師氏、虎臣皆官名。不知誰某。何以列之。又師古避唐諱。改虎作武。而表言龍臣。疑

亦校書者所改。唐人避虎字。不僅作武。或為彪。或為獸。又閒作豹。隋韓擒虎。隋書韓擒傳云。本名豹。則此似以龍代虎也。

中桓。中本作仲。

南宮髦。師古曰。二人亦周大夫也。桓、髦皆其名也。自芮伯以下。皆見周書顧命。髦。本作毛。案。仲桓無考。南宮毛當是南宮适之後。困學紀聞二

疑。即逸書作雒之中旄父。未確。

康王釗。成王子。師古曰。釗音之遙反。又音工遼反。康王釗。成王子。始見書顧命。亦單稱康。左昭四。在位二十六年。竹書年五十七。外紀。葬

咸陽。通考百廿三。

宋弗父何。愨公子。宋弗父何始見左昭七。宋潛公生弗甫何。始見商頌序疏引世本父又作甫。世本。何又作河。

潛夫志孔父嘉之高祖。厲公之兄。何適嗣當立。以讓厲公。杜注。

芮良夫。芮良夫始見逸周書九。周語上。左文元。周大夫芮伯也。韋杜注本詩桑柔序及竹書。

召虎。召虎始見詩江漢。召又作邵。隸釋衡方碑。召康公十六世孫。詩民勞序疏。是為召穆公。民勞諸詩序。亦曰召公。詩江漢周

語上。亦曰召伯。詩崧高。與周定公立宣王。竹書。

方叔。方叔始見詩采芑。方采地。周之族卿。路史後紀十。國名紀五。

南中。南仲始見詩出車。常武。禹後有南氏之裔。路史後紀十四有南之國。見逸書史記解。案常武毛傳以南仲為宣王之將。故

表與方叔、召虎並列。然非也。宣王時。太師皇父已于南仲稱太祖。安得為宣王將哉。毛誤解太祖為命將

于太祖之廟。故有此說。考采薇序言。文王以天子命命將遣戍拒昆夷。獫狁之患。故出車傳云。王、殷王、南

仲、文王之屬。鄭箋云。西伯以殷王之命命其屬為將率。常武箋云。南仲、文王時武臣。竹書帝乙三年。周文公之

年。五王命南仲西拒昆夷。城朔方。其非宣王時將甚著。至路史注謂盤庚妃姜氏夢赤龍入懷孕十二月生子。手把南字。長荆川。號南赤龍。生條孫仲為紂將。通志氏族略三以為里巷之言也。

中山父。仲山甫始見詩烝民。食采于樊。諡穆。周語上注。故曰樊仲山父。亦曰樊穆仲。周語四。亦曰樊

侯。詩毛傳。亦曰仲山。續郡國志河內脩武注。亦曰山甫。後書楊賜傳郭茂倩樂府魏武帝善哉行文選盧謐贈劉琨詩。葬成陽城西堯陵北。水經瓠子水注。案。

通志氏族略三路史後紀九國名紀三並言仲山甫是仲雍支孫。困學紀聞三引唐權德輿集言是魯獻公之仲子。入輔于周。未知誰得其旨。至本書杜欽傳云仲山父異姓之臣。就封于齊。蓋用韓詩說。非定解也。

申伯。申伯始見詩崧高。申出伯夷。姜姓。國語齊許申呂由大姜。言由大姜得封。在周興之初。其後中絕。至宣王時。申伯以王舅改封于謝。左隱元疏

尹吉父。尹氏始見詩常武。吉甫始見詩六月。崧高。周尹佚之後。秀水萬孝廉光泰春秋氏族略而潛夫志氏姓謂尹本官名恐非。葬汾州。路史國名

紀五通志氏族略三一統志云在汾州平遙縣上東門外。又見南皮縣西。

韓侯。韓侯始見詩韓奕。

蹶父。師古曰。蹶音居衛反。蹶父始見詩韓奕。蹶氏父字。詩姑姓。毛疑南燕之君入為卿士者。錢唐高氏士奇春秋地名考略。

張中。張仲始見詩六月。吉甫之友。鄭箋。案廣韻注云。軒轅第五子揮始造弦。實張網羅。世掌其職。後因

氏焉。風俗通云。張、王、李、趙、黃帝賜姓也。路史後紀五云。黃帝子揮封于張。為張氏。唐書世系表謂少昊第五子揮始制弓矢。子孫賜姓張氏。周宣王時。有卿士張仲。其後裔事晉為大夫。路史注以表言少昊第五子無據。然則張氏出自黃帝。與周同為姬姓也。文昌化書謂張無忌妻黃氏生張仲。事宣王。當幽王初。以直諫賜死。誕不足信。

程伯休父。師古曰。休音許虬反。程伯休父始見詩常武。程國。伯爵。休父名。楚語下注。重黎之後。楚語。

宋正考父。澠馬本。殿本有他本。譌脫。正考父始見詩商頌序。左昭七。魯語下。序作甫。弗父何生宋父周。周生世子勝。勝生

正考父。潛夫志氏姓家語本姓蓋本于世本。而商頌疏引世本。脫去世子一代。

宋孔父。大金子。孔父始見左隱三。春秋桓二。儀禮士冠禮注作孔甫。孔父字。公羊桓二注。曲禮四疏。名嘉。左桓二。杜以為名。孔父字嘉非也。宋大司馬。為

華督所殺。隱三桓
二經傳

案詩商頌左穀桓元二疏引世本潛夫志氏姓家語本姓並云正考父生孔父嘉嘉生

木金父木金父生祁父

家語作
畢夷

祁父生防叔表以木金父為大金而稱大金考父子孔父大金子方叔嘉

子既缺祁父一代又世次倒錯與禮儒行疏言防叔生木金木金生伯夏同舛嘉字孔父故子孫遂以孔

氏族路史後紀十言孔父子木金父通魯為孔氏甚是

唐表七十五下云畢
夷以王父字為氏

左桓二疏因傳有宋督攻孔氏之

文謂孔父先世已氏孔家語一曰孔父者生時所賜號皆繆廣韻注帝嚳妃簡狄吞乙卯生契賜姓子後

代以子加乙為孔氏尤屬附會孝經疏云孔氏或以為用乙配子或以滴溜穿石其言不經今不取也

衛太子伋伋始見詩新臺乘舟序太子伋始見史衛世家亦曰急子

左桓
十六

衛宣公世子

鄭

母夷姜宣公

使盜殺急子于莘

左
傳

公子壽壽始見詩乘舟序左桓十六亦曰壽子

左
傳

亦曰子壽

史衛
世家

衛宣公子

詩
序

太子伋異母弟惠公朔之

兄母宣姜世家伋壽爭相為死國人傷之

詩
序

鮑叔牙。鮑叔牙始見左桓八、齊語、管子大匡諸篇。妣姓之後。鮑敬叔之子。齊語注。妣敬叔仕齊。采于鮑為

鮑氏。路史後紀十四。叔牙亦稱鮑叔。左莊九、齊語、管子。亦曰鮑子。齊語。葬河間縣。一統志又云。在濟南歷城縣東鮑山下。又見兗州滕縣北。

召忽。師古曰。召讀曰邵。召忽始見左莊八、管子大匡諸篇。召又作邵。公羊莊九。桓公殺公子糾。召忽死之。論語。

隰朋。隰朋始見左僖九、齊語、管子大匡諸篇。朋又作崩。史齊世家集解。考本書五行志中上引易復卦朋來作崩。釋文云。京作崩。疑古通。齊莊公之曾

孫戴仲之子成子也。齊語注。莊公子廖事桓公。封于隰陰。故以為氏。通志氏族略三。葬臨淄東北七里。世家正義引括地志。案。莊

公至桓公百有餘年。廖安得逮事之。通志桓公字必誤。

甯戚。甯戚始見齊語、管子小匡諸篇。戚又作慤。呂覽勿躬。又作籍。亢倉子賢道。衛人。呂覽舉難。亦曰齊甯。本書敘傳。葬萊州膠水

縣西鳴角阜。寰宇記二十。案。戚有宿音。故通作慤。而籍戚音相近。淮南道應誤為甯越。韓子外儲說左譌甯武。

宋仇牧。仇牧始見春秋莊十二經傳。仇又作裘。鶡冠子備知廣韻注云。姓本作仇。避讎改裘。宋萬弑閔公。仇牧手劍叱之。萬擲碎

其首齒箸門闔。公羊

魯曹劌。師古曰劌音居衛反

曹劌始見左莊十、穀梁莊十三、魯語上、管子大匡。劌又作劌。呂覽貴信又作沫。戰國齊、燕策、史齊魯世家、刺客傳

又作昧。史魯仲連傳索隱亦曰曹子。公羊莊十三、齊策

楚粥拳。鬻拳始見左莊十九。省作粥拳又作權。後書孔融傳古字通用見文選晉左思吳都賦注

楚之同姓。詩邶柏舟疏諫楚文王自別以為

大闔謂之大伯及王卒自殺葬于經皇。左傳

宰孔。宰孔始見左僖九、齊語、晉語二。亦曰周公。左傳五亦曰宰周公。春秋僖九、晉語官太宰。孔其名。周采地。天子三

公故稱公。僖九疏案周公忌父莊十六始見傳。僖十年再見。至廿四年為狄所獲。而宰孔自僖五見傳。九

年見經。一時何以有二周公。東吳顧氏棟高春秋大事表疑忌父是孔弟。忌父居先。不得為弟。或孔乃忌

父弟歟。抑其子也。蓋忌父出奔。見莊十六孔繼作宰。後忌父復歸。遂並官于朝。桓四年春秋。天王使宰渠伯糾

來聘。傳曰：父在故名。五年，使仍叔之子來聘。穀梁曰：父在子代仕之辭，則並時同官王朝，固有其例矣。春秋

時列國大夫，其子弟並

時在朝者，亦多有之。

魯公子季友。公子友始見春秋莊廿五，左莊廿七。公子季友始見春秋僖十六，穀梁經亦曰季子。春秋亦

曰成季友。左昭亦曰成季。左莊廿二，閔亦曰季氏。閔季其字，友其名。僖十魯桓公之子。禮郊特莊公母弟。公羊莊

生而有文在手曰友，遂以名之。閔二，昭

魯公子奚斯。奚斯始見詩閟宮，左閔二。是為公子魚。閔名魚，字奚斯。詩

衛弘賚。弘賚始見呂氏春秋忠廉，韓詩外傳七，淮南繆稱，新序八。弘姓。廣韻賚本作演。呂注演衛懿公臣。

有所使，翟人攻衛，殺懿公，盡食其肉，獨捨肝。弘演至，報使于肝，因自殺，先出其腹，實內懿公之肝。呂氏

荀息。荀息始見三傳僖二，晉語一。荀又作郇。潛夫志亦曰荀叔。左僖九里克殺公子卓，息死之。僖葬曲沃。

氏姓

竹書

九

諸書

北十里。一統志又見吉州鄉寧縣東北。

案竹書云晉曲沃武公滅荀以賜大夫原氏黯是為荀叔傳稱荀息曰荀叔應即

原黯仲弟履繩箸左通謂黯名息字或當然也武公曲沃莊伯子竹書莊伯時有荀叔軫似軫乃黯之父

言荀叔者蓋追號之與荀林父異族高氏士奇春秋左傳姓名同異考顧氏春秋大事表並本潛夫論以

林父與荀息同族疑未足據通志氏族略三路史後紀十敘荀氏晉之公族獨不及荀息

路史云孫息食知為知氏智氏孫荀古通

息乃首字之譌謂荀首也

路史國名紀五敘武穆之分云荀逝邀采史趙世家索隱引世本晉大夫逝敖生桓伯林父則

為兩荀氏可知竊意武公以荀賜原氏遂改為荀氏荀息死子卓之難豈能世守采地必惠公文公時奪

絕更賜逝敖耳

宋公子目夷目夷始見左僖八公子目夷始見僖九字子魚其後稱魚氏世為左師

同上

案目夷之名

不可解路史國名紀四謂徐之滕東有目夷亭蓋取于地以命名者左傳宋公疾太子請曰目夷長且仁

君其立之目夷辭曰不順史宋世家太子茲甫讓其庶兄目夷為嗣故杜注云目夷襄公庶兄而說苑立

節言目夷是宋桓公後妻子太子請曰使目夷立臣為相兄以佐之目夷辭曰弟立而兄在下不義乃逃

之衛又以目夷為庶弟傳聞異辭自當從經史

宮之奇。宮之奇始見三傳僖二、晉語二、宮姓。廣韻注。又作郟。其先姬姓。郟國。路史國名紀五。葬解州平陸縣東辛宮。

里。一統志。

百里奚。百里奚始見孟子及諸子書。百又作伯。韓子難言。奚又作倮。管子小問。又作倮。史秦紀。虞之公族。唐書白氏世系表。號五

殺大夫。史秦紀、商君傳。亦曰百里子。亦曰百里氏。亦曰百里。亦單稱百。並見下。秦穆公殺之而非其罪。史蒙恬傳風俗通皇霸。案。

余弟左通曰。僖十三年傳。百里通志氏族略三云。百里奚家于百里。因氏焉。此說未敢信。果以所居為氏。傳不應單舉其氏。愚謂百乃氏。里其字。奚名也。荀子成相亦祇稱百里。韓子難言篇。伯里子道乞。或其氏以伯為百。僖三十二年正義遂以百里為姓。檢隱十一年有許大夫百里。亦得謂單舉其氏乎。觀廣韻百字下引百里奚。不言複姓。可證氏族略引風俗通百里氏。秦大夫百里奚之後。蓋子孫以字為氏。寧得謂奚即氏百里耶。余弟所辨甚新。更補一證曰。楚辭王逸九思。百貿易兮傳鬻。但究以氏百里為愜。即單舉其氏亦無不可。不獨荀子稱百里。楚辭惜往日曰。聞百里之為虜。鷓冠子世賢曰。百里醫秦。備知曰。秦用百里。易林隨之復曰。穆違百里。升之坤曰。百里南行。況呂氏春秋不苟篇。明言百里氏。與公穀百里子。韓子伯里子同。故僖三十二年疏。依杜世族譜。以百里為姓。而居于百里之說。通志本風俗通。唐書白氏表亦載之。我所疑者。左傳之百里耳。傳先云百里。後云孟明。又云百里孟明視。則百里者是孟明。而非百里。

奚也。杜注：百里，秦大夫，極有斟酌。史遷秦紀謬以百里傒實之，夫遷且合奚與非伯作一人，何怪誤認孟明為奚乎？奚之行事，左傳不見，公穀曾一及之。孟明乃奚之族，其舉用由公孫枝。杜譜從史，謂孟明、奚子、呂覽、悔過、謂蹇叔子，均屬傳譌。妄記又孟子言奚去虞入秦，年已七十。考魯僖五年晉滅虞，至僖三十二秦襲鄭，奚尚在，則年百歲矣。商君傳曰：相秦六七年，蓋專指其為相言之。金石錄、五穀碣諸侯受封百里，因氏。奄息。案廣韻以奄為姓，非。

中行。師古曰：行音戶郎反。

鍼虎。師古曰：鍼音其廉反。

鍼又作歲。宋丁度集韻、司馬光類篇。

三人並始見詩黃鳥，左文六子車氏之三子，秦之良也。文六、史秦紀車作輿。從

死穆公。國人作黃鳥哀三良。詩序、秦紀。冢在岐州雍縣一里故城內。史正義。

狐偃。狐偃始見左僖廿三，晉語二字子犯。僖廿三、晉語四。狐突之子。僖廿三。文公舅。晉語四注。故稱舅氏。僖廿四、晉語四。又宋公孫固曰：晉公子父

事狐偃其舅也。廣韻以舅為姓，非。又說苑復恩作咎氏。亦曰狐子。韓子外儲說右上。亦曰舅犯。晉語二、大學。又作咎犯。荀子臣道、韓子外儲左上。呂氏春秋當染、尊師、義賞、不廣諸篇、韓詩外傳三、淮南人間、史律書、

晉世家考儀禮士昏禮鄭注云：古文舅作咎。郭注穆天子傳五咎氏云：咎猶舅也。楊注荀子云：咎與舅同。又作曰犯。三國志劉表傳注引司馬彪戰略別雅云：咎曰古通。葬九原。檀弓下。

趙衰師古曰衰音楚危反趙衰始見僖廿三晉語四趙夙之弟晉語字子餘僖廿四晉語諡成子左文二六晉語六亦曰成季文六成八亦曰

孟子餘左昭元徙原史趙世家索隱引世本故亦曰原季晉語四亦曰原衰後書崔駰傳

衰妻文公妻趙衰是為趙姬始見左僖廿四亦曰君姬氏左宣二年

介子推介子推始見呂氏春秋介立本作介之推左僖廿四水經汾水注亦曰子推史晉世家亦曰介推史晉世家亦曰介山子推

大戴禮衛將軍篇亦曰介山子然史弟亦曰介子綏荆楚歲時記引琴操亦曰介子楚辭惜往日悲回風淮南說山姓王名光晉人列仙傳文公出奔道

乏糧王逸楚辭注割股以食文公莊子盜跖楚辭東方朔七諫反國不肯受賞呂介立遂隱而死文公以縣上為之田左傳宋真宗天

禧元年封潔惠侯學齋佔畢案水經注縣山即介山因推得名故廣韻以介為姓疑推家于此山死即葬之

也推其名綏與推音近然或其字仙傳所載姓名難信至焚死之說恐起于戰國好事者附會是以莊子

盜跖云抱木燔死楚辭惜往日云忠而立枯新序節士又謂文公焚山推不出焚死流俗相傳遂有禁火

之事所述推之亡月或云冬中或云寒食或云三月三日或云五月五日並辨見初學記四宋洪邁容齋三筆路史發揮改火篇俱無稽

之言爾。又說苑尊賢曰。介子推年十五相荆。仲尼使人往視。此劉向誤記。據家語六本是荆公子。抑豈古有兩介推耶。

推母。介之推母偕隱而死。始見左僖廿四。

郤穀。郤穀始見左僖廿七。晉語四。又作穀。釋文。葬直隸正定府行唐縣西北四十里。一統志。

舟之僑。舟之僑始見左閔二。晉語二。舟姓。廣韻注。號大夫。以其族適晉。晉城濮之戰。因先歸見殺。左僖廿八。

案。史通品藻篇譏表敍晉文臣佐。不當置僑于陽處父。士會上。是也。僑似宜列第五。

荀林父。荀林父始見左僖廿七。晉公族。逝敖始采荀為荀氏。生林父。史趙世家索隱引世本。路史後紀十。國名紀五。而通志氏族略三云。荀氏晉公族隰叔之

後。隰字必誤。隰叔是杜伯子。何以稱公族。林父始將中行。故又為中行氏。左文十。字伯。宣十。諡桓子。文十三。宣十二。故曰荀伯。文七。周語中。亦曰中行

伯。宣十五。成二。亦曰中行桓子。文十三。宣十四。亦曰桓伯。索隱引世本。

先軫。先軫始見左僖廿七。晉語四。先丹木之子。程氏春秋分記。亦曰原軫。僖廿八。卅三。蓋食采于原。通志略三。以原為氏。是有二氏矣。恐非。死狄師。狄

人歸其元。面如生。僖卅三。葬山西遼州城南二里。一統志。

狼蹕師古曰蹕音審

狼蹕惟見左文二狼姓廣韻注死秦師文二

陽處父陽處父始見左僖三十二晉語四檀弓下亦曰陽子僖卅三文六晉襄公之太傅檀弓注本左文六晉語四為狐

射姑所殺公穀文六傳左氏謂射姑使續鞠居殺之也葬九原檀弓案史通品藻謂表在第四今本在第三疑後人有意易置之

甯嬴甯嬴惟見左文五甯晉邑嬴其姓晉語五注

臾駢師古曰駢音步干反臾駢始見左文六臾姓廣韻注

鄭弦高鄭商人弦高始見左僖三十三弦姓廣韻注號曰隨牛淮南說林

叔仲惠伯叔仲惠伯始見左文七魯叔孫氏之族檀弓下注為叔仲氏文十八名彭生春秋文十一十四桓公生僖叔牙叔

牙生武仲休休生惠伯彭檀弓疏引世本疑彭下脫生字惠伯蓋叔孫得臣庶兄亦曰叔彭生春秋文十一十四惟左文十一經有仲字釋文云仲衍字亦曰叔仲襄仲殺之

埋馬矢中文十八

宋方叔。嘉子各本嘉子誤大子。防叔始見史孔子世家。方防古通。國朝雍正元年追封孔子曾祖防叔為詒聖王。闕里文獻考。

案孔防叔乃皋夷父之子。表以為孔父嘉子。誤甚。說在前孔父下。

樂豫。樂豫始見左文七。宋戴公生樂甫術。左文十八疏檀弓下注疏與此同作術而唐書蕭氏樂氏表通志氏族略三並作術。術生碩甫澤。澤生季甫。季甫生豫。左疏引世本。子孫以王父字為氏。通志略。

董狐。董狐始見左宣二。晉太史。同。亦曰史狐。穀梁。

案左昭十五傳言辛有之二子董晉典籍。于是有董史。注辛有周人。其子適晉為太史。董狐其後。晉語四言董因迎文公于河。注因。晉大夫周太史辛有之後。竊疑周初辛甲為周太史。見前。辛有必甲之苗裔。董因既為辛有後。則董狐必因之子若孫也。表列辛有第五董因第四。唐

表董氏世系謂辛有是董父裔孫。恐非。

令尹子文。馬本在狐偃前。子文始見左僖廿三。令尹子文始見左宣四。是為鬬穀於菟。左莊三十。鬬伯比之子也。楚語下注。

本左。子文初生。弃夢中而虎乳之。楚謂乳穀。釋文引本書作穀。見莊三十下。謂虎於菟。本書敘傳菟作擇。玉篇於作烏。俗从虎作鷓。廣韻作烏鷓。故命之。宣四敘傳。亦曰

宣四。

鬬子文。楚語。宋哲宗元祐八年封為崇德侯。祠為忠應廟。通考百三。

楚遠賈。蔦賈始見左僖廿七。唐張參五經文字謂遠與蔦同是也。襄十五傳蔦子馮。廿二、廿四、廿五傳作蔦。襄廿五、卅傳蔦掩。昭十三傳作遠。可證。字伯贏。左宣四、高誘注呂氏春秋知分淮南汜論並作

伯盈。孫叔敖之父。傳廿七注。案潛夫志氏姓謂蚡冒生蔦章。章生叔敖。唐書孫氏表謂蔦章生蔦呂臣。孫蔦賈

生叔敖。春秋分記謂遠章子賈。賈子叔敖。而賈乃呂臣弟。高氏姓名考謂蔦賈是呂臣子。諸說以分記為明確。左傳令尹子文傳政子玉。蔦呂臣。蔦賈皆諫。則為兄弟同朝甚審。

申叔時。申叔時始見左宣十一。楚語上。楚賢大夫申公也。章注。程氏春秋分記曰。楚申氏有三申公。巫

臣、屈氏別族也。申舟及申無宇、申氏也。申叔時而下。申叔氏也。世族譜以申叔合于申氏。誤矣。

孫叔敖。孫叔敖始見左宣十二。蔦賈之子。宣十一疏。引服注。別為孫氏。唐孫氏表。其相突禿長左。荀子非相。亦曰蔦敖。亦曰孫

叔。宣十。二。亦曰蔦艾獵。宣十。一。亦曰叔孫。司馬貞索隱循吏贊。葬南郡江陵城中白土里。續郡國志注。案隸釋叔敖碑云。名饒。恐

不足信。碑中舛謬處頗多。余弟左通曰。敖饒聲相近而傳會耳。又左宣十一。襄十五疏云。世本艾獵。叔敖

之兄。馮艾獵子。表不列。蔦子馮。則馮是叔敖兄子也。杜集解釋例皆以蔦艾獵。叔敖為一人。馮是叔敖子。世本多

誤。杜當得其真。據此則襄十五杜注謂蔦子馮，叔敖從子，與孔疏違，必今本之譌。或後人依世本妄改。從字

疑當作至毛氏奇齡經問第九及四書索解，力辨叔敖乃期思之處士，非楚公族蔦氏，並以蔦艾獵、蔦敖之字。

孫叔敖為三人，逞臆好奇，識者非之。

曹劄時。師古曰，即曹欣時也。劄音許其反。曹公子欣時始見左成十三，又作喜時。公羊成十，六昭二十。又作款時。釋文類，字子臧。左宣十三，十五十六。

宣公庶子。宣十，三注。葬曹縣安陵集。一統志。案，劄與郗同，劄喜欣聲皆相近。釋文款喜兩異文，並音欣。疑款乃款

之譌。師古如字讀亦通。

魯季文子。季文子始見左文六，周語中是為季孫行父。始見春秋文六。魯季友生仲無佚，無佚生行父。穀梁疏，行引世本。

父禿。穀梁成元而史晉世家云魯使蹇。葬沂州蘭山縣西南神峯山下。一統志。案左，穀注並云行父，季友孫。周語注亦云文子，

季友之孫，齊仲無佚之子，而檀弓上疏引世本，公子友生齊仲，齊仲生無逸，無逸生行父，誤分為二人。齊蓋其諡也。齊仲不見經傳，疑行父以孫繼祖，如季平子之嗣武子歟。文子擅竊國柄，不當列第三。

樂王鮒。樂王鮒始見左襄廿一，魯語下，晉語八，亦稱王鮒。襄廿一，廿三。是為樂桓子。襄廿三，昭元。案廣韻王字注

以樂王為複姓。左昭元年。叔孫豹云。鮒也。賄似姓樂王。名鮒。然傳兩稱王鮒。一稱樂桓子。則是姓樂名王鮒。叔孫偶單呼之。廣韻殊非。春秋分記固以為樂氏矣。左通補釋謂晉之樂氏。未詳所出。昭廿二、廿八之樂徵、樂霄。哀二年之樂丁。疑皆其後也。又表在第三等。叔向曰。樂王鮒從君者。而廁于智人之列。可乎。

楚申叔豫。申叔豫始見左襄廿一。申叔時子跪。跪見左成二。跪生豫。春秋分記。

齊大史三人。

南史氏。大史、南史皆見左襄廿五。其三人為崔杼所殺。同上。案史有內外大小左右之別。而無南北之

稱。左傳序正義云。南史佐大史者。當是小史。其居在南。謂之南史。非官名也。此說欠安。東西南北。人各有居。何獨此史以居南為號。竊疑古史官之職。四時分掌之。故有青史氏、南史氏、青史主春、南史主夏、崔杼

弑君在夏五月。記注政其職矣。通志略四言董狐之子受封青史之田。因以為氏。非也。

陳文子。陳文子始見左襄廿二。即陳須無。左襄廿七。史田完世家陳作田。陳完生穉孟夷。穉孟夷生潛孟莊。潛孟莊生文

子。世家。

卞嚴子。卞莊子始見論語。卞又作弁。

本書東方朔傳。二字古通。左昭九弁髦。釋文作卞。楚語上有弁費。詩闕雖序疏以卞隨為弁隨。本書杜欽傳以小弁為小卞。檀弓上弁人母死。家語子貢問作卞人。史弟

子傳子路卜人。家魯邑。荀子大字莊子。史張儀卜邑大夫。論語漢避明帝諱。故改莊曰嚴。凡漢書為嚴者皆類此。本

五行志上師古注亦曰管莊子。戰國秦策疑莊子姓管張儀傳亦曰卜嚴。後書班固好勇。奔敵殺七十人而死。韓詩外傳十新葬序義勇無七字

兗州泗水縣東北四十里宮娥埠。一統志又見東案。論語釋文引鄭云。秦大夫。秦乃魯之譌也。曲阜孔太

史廣森經學卮言曰。卜莊子不見左傳。疑卽孟莊子。襄十六年。齊侯圍成。孟孺子速徼之。齊侯曰。是好勇。

去之以為名。蓋孟莊子有勇名。或嘗食采于卜。因以為號。此論頗新。然未確。韓詩外傳譏卜莊子死敵滅

世斷宗為不孝。與孔子贊孟莊子之孝異。且孟莊子于襄廿三年以疾卒。明載經傳。未聞死敵也。

臧文中。莊廿八臧文仲始見左莊十一。是為臧孫辰。傳亦曰臧孫。僖廿亦曰臧文。後書張皓王龔傳亦曰臧子。列

三。傳哀伯達生伯氏瓶。瓶生文仲辰。莊廿八及禮案。文仲歷莊、閔、僖、文四君。卒于文十年。表次昭公時。反在

其子宣叔之後。何失次懸遠如是。又不列武仲。必傳寫之誤。釋史曰。此宜武仲而前遺文仲。武仲始見成十

襄廿三經。然均不應居第三。

宰我。宰我始見論語、孟子。即宰予。論語宰姓。廣韻注名予。論語字子我。史弟魯人。史集解為臨菑大夫。弟子傳與田常

相憎見殺。呂覽審勢、鹽鐵論殊路、頌賢、史謂與田唐玄宗開元七年。贈齊侯。舊唐書禮儀志、新唐書禮樂志宋真宗大中祥符二年。封

臨淄公。度宗咸瀆三年。又稱齊公。宋史葬曲阜西南。寰宇記廿一。

子貢。子貢始見論語、左哀十二。即端木賜。史弟貢又作贛。左哀十五、十六、廿六、廿七、禮樂記、唐石經論語、錢宮詹云、古

複姓端木。廣韻注、史案名賜。論語字子貢。衛人。弟子傳亦曰衛賜。左哀亦曰木賜。唐吳筠亦曰賜氏。檀弓山庭斗繞。文選

王文憲集序注開元廿七年。贈黎侯。新舊唐書志宋真宗封黎陽公。咸瀆稱黎公。宋史

冉有。冉有始見論語、左哀十一。即冉求。同名求。論語字子有。史弟仲弓之宗族。家語弟亦曰冉子。論語檀弓亦曰

有子。左傳開元贈徐侯。唐志宋封彭城公。又稱徐公。宋志葬兗州滕縣東南六十里奚仲墓旁。一統志

季路。季路始見論語、左哀十四。即仲由子路。論語、左定十二、哀十四、十五姓仲。名由。字子路。論語一字季路。家語弟卜人。

史弟亦曰季子哀十亦曰季由三國吳志亦曰仲路江淹集感雷精而生尙剛好勇御覽為衛孔悝之邑宰弟子

崩曠劫悝以戈擊子路斷纓遂結纓而死哀十衛醯之檀弓冢在戚水經河開元贈衛侯唐宋封河內公又稱

衛公宋案大興劉氏獻廷廣陽雜記言山東仲家淺廟碑謂子路父名鳧未知何出至子路之子為仲

子崔見御覽戟部仇讎部

子游子游始見論語又作旂隸釋石名偃論語又說姓言論語是為言偃禮運史字子游吳人史傳而家語亦曰

言游禮仲尼亦曰叔氏檀弓上據疏亦單稱游史通葬吳郡常熟縣西海虞山上史吳世家索開元贈吳侯唐

封丹陽公又稱吳公宋

子夏子夏始見論語姓卜廣韻名商論語是為卜商字子夏史弟衛人家語弟子解而史集解引鄭亦曰子夏氏檀

亦曰卜子夏呂氏春亦曰卜先生韓詩外魏文侯師之呂舉難葬郟陽水經河開元贈魏侯唐宋封河東公又稱

魏公。宋志案。子夏少孔子四十四歲。孔子卒時。子夏年二十九。而受經于魏文侯。蓋年幾百歲矣。

曾子。曾子始見論語。孝經名參。同上即曾參。字子輿。南武城人。史弟珠衡犀角。朱氏經義考。五引論語摘輔象。葬沂州費縣。

一統志。又云在濟寧。嘉祥縣南武山之陽。唐總章元年。贈太子少保。新舊唐書太極元年。加贈太子太保。舊唐書開元贈郈伯。新唐書志宋

真宗封瑕丘侯。徽宗政和元年。改封武城侯。度宗封郈國公。宋史志元至順元年。加封郈國宗聖公。元史文宗紀。祭祀志

明世宗嘉靖九年。改稱宗聖曾子。明史禮志案。曾子之名。論語檀弓釋文音所金七南二反。其字。宋本家語

及關中金石記白水碑陰。並作子與。未定孰是。或與或與。似皆當讀若驂。今多依說文讀若森。見森字注。釋文

于他處亦有單出所金一音者。蓋古通讀也。孝經釋文作參。所林反。與參字音同義別。孔門受道。唯顏、曾、子貢。二語本困學紀聞七。則子貢尙

宜居第二。與德行四賢齊列。何況曾子。古人每稱曰曾、騫。荀子性惡。曰參、騫。隸釋唐扶頌宮。春丞張君碑。曰閔、參。文選潘岳晉夏侯湛誄。曰曾、

顏。晉嵇含臺中安會詩。乃表置于顏、閔、二冉之下。劉知幾嘗譏之矣。

子張。子張始見論語。名師。同上即顓孫師。字子張。陳人。史弟亦單稱張。論語葬徐州蕭縣南掘坊村。申詳附。統

志。開元贈陳伯。唐志真宗封宛丘侯。徽宗改潁川侯。度宗加封陳國公。宋志案。史索引鄭玄孔子弟子目錄。

謂陽城人。縣固屬陳也。而呂氏春秋尊師云。子張魯之鄙家。考通志氏族略三。顓孫氏出陳公子顓孫。左莊廿二。顓孫來奔。張蓋其後。故又為魯人。

曾皙。曾皙始見論語。即曾點。檀弓下皙又作哲。史弟名點。論語又史。字皙。史又云字子皙。家語弟又作子哲。白水碑

曾參父。論語夏少康封少子曲烈于郕。亦作襄六年。莒滅之。郕太子巫仕魯。去邑為曾氏。巫生阜。阜見左阜。昭元

生皙。通志氏葬萊州費縣西南八十里南成山下。一統開元贈宿伯。唐志宋封萊蕪侯。宋志明英宗正統三年。追

封公爵。明史案。皙字下從白。經典相仍從日。而皙與哲蓋古省文通借也。皙敍在參之後。子先于父。不

可解。

子賤。子賤始見論語。即宓不齊。史弟魯人。論語字子賤。史慮義之後。顏氏家亦曰宓賤。唐耿漳晚秋東游詩又錢宮詹金石文跋尾續二載

兗公頌呂氏春秋亦曰宓子淮南秦族又道藏本齊亦曰密子淮南秦族又道藏本齊亦曰慮生文選晉潘尼亦曰季子淮南不鬪而死人手道應

韓子難言葬鳳陽府壽州東南六十里一統志舊有碑云為魯開元贈單伯唐宋封單父侯宋案顏氏家訓謂伏慮

古通俗誤以慮為宓或復加山考淮南秦族密子論衡本性密子賤家語密不齊皆作密而書傳中慮字

多寫宓蓋古借宓為慮之省文不定是誤因宓元音覓畢切遂轉誤作密辨見史記志疑廿八

南容師古曰南宮南容始見論語即南宮适同南宮復姓廣韻字子容史弟亦曰南宮縉檀弓适又作括史傳

縉縉也字子容縉又作韜家語弟子解南容有二魯人史傳集解其相井口御覽三百六十葬鄒縣西一統開元贈

鄭伯唐真宗封龔丘侯政和改汝陽侯宋

公治長論語公治長始見論語姓公治名長孔注又作萇史弟子傳案隱引又名芝論語皇侃疏及字子長史又作

子張釋文引又作子芝案隱引又作子之白水碑關中金石記曰以亦曰治長皇侃魯人論語孔注家語弟子解鳥語皇

疏續郡國志注葬琅邪姑幕東南五里論語邢疏開元贈莒伯唐宋封高密侯宋

公西華。公西華始見論語。名赤。同。上。即公西赤。檀弓上史。弟子傳。公西復姓。廣韻注。字子華。史傳。魯人。史集解引鄭氏。葬大名府東

明縣閔子墓東。一統志。開元贈邵伯。唐志而通典五十三。通考四十三作郃伯。宋封鉅野侯。宋志。

有若。有若始見論語。左哀八有姓。廣韻注。有巢氏之後。通志氏族略。四引風俗通。字子有。家語弟。子解。魯人。史弟子傳集解引鄭氏。亦曰有子。

論語檀弓上。其相月衡反字。御覽三百六十。四引摘輔象。開元贈卞伯。唐志。宋封平陰侯。宋志。

漆彫啓。漆雕開始見論語。漆雕姓。論語孔注。又名憑。宋楊簡先聖大訓。字子開。史弟子傳。又作子若。家語弟。子解。又作子脩。白水碑。魯人。

史集解引鄭氏。開元贈滕伯。唐志。宋封平輿侯。宋志。案論語舊本元作彫。釋文。唐石經可證。釋文云。又作淵。同。史記及此

表皆從三。彫彫本通。故韓子顯學漆雕氏。本書藝文志漆雕子均作雕也。漆彫名啓。表志兩見。論語書其

字。史記稱漆彫開字子開者。上開本是啓。避景帝諱改。王應麟藝文志考證。太原閻氏若璩四書釋地三續並言之。自孔安國于論語誤注

開名。而其名遂隱。幸班氏忘諱直書。先賢名字昭然矣。家語作漆雕開。乃王肅不考而謬襲孔注。史傳爾。

澹臺滅明。澹臺滅明始見論語。即澹臺子羽。左哀八。澹臺姓。滅明名。論語包注。字子羽。武城人。狀貌甚惡。史弟子傳。岐

掌御覽三百七葬兗州鄒城縣史正義而水經渠水注一云陳留縣裴氏鄉有子羽冢一云冢在泰山南武城縣寰宇記又謂在吳縣南十八里平城未知孰是開元贈江伯唐志宋封金鄉

侯宋志案家語子路初見與弟子解二篇本韓子顯學謂子羽有君子之容而史云狀貌甚惡故索隱以

為史與家語相反今以留侯世家論證之似史為近

樊遲論語樊遲始見論語左哀十一即樊須論語商人七族樊氏之後通志氏族略三須字子遲史弟子傳魯人家語弟子解左傳注而史集解引鄭

人云齊其相山額御覽三百六十開元贈樊伯唐志宋封益都侯宋志案白水碑謂須字子達遲字子緩分為二人

未知何據關中金石記以為非是

巫馬期史弟子傳巫馬期始見論語即巫馬施廣韻名施論語字子旗史傳家語弟魯人史集解引鄭氏開

元贈鄒伯唐志宋封東阿侯宋志案史記期作旗者說文施旗也故齊欒施字子旗而期與旗古通左昭十

三令尹子旗楚語下作子期定四年子期呂覽高義注作子旗戰國秦策中期推琴史魏世家作中旗皆其諡也

司馬牛論語又作司馬耕史弟子傳蓋有二名明陶宗儀輟耕錄字子牛載張孟兼弟子章句又作司馬犁耕

史傳。宋人。論語注。桓魋弟。左杜注。以魋為宋司馬。故牛遂以司馬為氏。史索隱。葬丘輿在泰山南城縣西北。左哀十四及注。開元

贈向伯。唐志。真宗封楚丘侯。政和改睢陽侯。宋志通考。睢作雒。譌。

子羔。子羔始見論語。左哀十五。名柴。同上。即高柴。左哀十七。史弟子傳。字子羔。史傳。齊人。家語弟子解。而檀弓上下疏兩引史云。鄭人。今本無。史集解引鄭云。魏人。恐皆非。

高傒裔孫。路史後紀四注。亦曰季羔。哀十七。亦曰高子皋。亦曰季子皋。檀公季亦其子。鄭注謂氏。季非。孔疏曰。羔皋古通。亦曰子宰。家語子夏問。亦曰子高。

論語釋文引家語及隸釋。長不盈六尺。家語弟子解。而弟子傳云。五尺。素隱以為誤。狀貌甚惡。家語諡恭仲。路史注。葬嶧縣東五十里。故蘭陵城

北。一統志。開元贈共伯。唐志。宋封共城侯。宋志。

原憲。原憲始見史弟子傳。原姓。廣韻注。名憲。論語。字子思。史傳。亦曰原思。論語。亦曰仲憲。檀弓上。魯人。史集解引鄭氏。而家語弟子解云。宋人。

開元贈原伯。唐志。宋封任城侯。宋志。

顏路。顏路始見論語。即顏無繇。史弟子傳。而家語弟子解作顏由。字路。史傳。而家語作季路。隸續。顏回父。史傳。顏姓出琅邪。本自魯

伯禽支庶有食采顏邑者。因而箸族。廣韻注開元贈杞伯。唐志宋封曲阜侯。宋志元至順三年追封杞國公。諡文裕。

妻齊姜氏。杞國夫人。諡端獻。元史文宗紀而祭祀志書于元統二年案表次顏路于子淵之後甚遠亦失檢。

商瞿。師古曰瞿音劬商瞿始見史弟子傳。商姓。廣韻注字子木。魯人。孔子傳易于瞿。史傳開元贈蒙伯。唐志宋封須昌侯。

宋志案楊慎丹鉛錄云。世本石室圖作商瞿上。宋景文成都先賢贊以為蜀人。考瞿上城在雙流。此說殊

不可信。今雙流縣東有商瞿祠墓。疑出後人附會。蓋孔門弟子無自蜀來者。且其時蜀道亦未通。又師古

儒林傳注云。商瞿姓也。誤以為複姓。

季次。季次始見晏子春秋三。史游俠傳。即公皙哀。字季次。史弟子傳公皙複姓。廣韻注。又家語弟子解作公析。蓋皙皙析古並通借。哀又作

尅。史索隱引家語。又本作克。與今家語異。次又作沈。家語疑誤。齊人。家語開元贈郟伯。唐志宋封北海侯。宋志

公良。公良孺始見史孔子世家。弟子傳。公良複姓。廣韻注。史索隱引齊志。誕生本作公襄。誤。孺又作儒。史索隱廣韻注亦曰良儒。索隱引家語。與今本

異字子正。陳人。史集解引鄭氏為人長賢有勇力。孔子世家開元贈東牟伯。唐志宋封牟平侯。宋志案表似脫孺字。

顏刻。顏刻始見史孔子世家。刻又作尅。論語包注。莊子秋水釋文。又論語釋文云。或作亥。蓋刻尅古通。亥乃刻字脫其半耳。又名產。史弟子傳索隱引家語與今本異。字子驕。

史傳。又字子精。通典五十三。魯人。家語。開元贈琅邪伯。唐志。宋封雷澤侯。宋志。案弟子傳以刻為高。疑誤。左定八年。陽州

之役。顏高弓六鈞。考家語。子驕少孔子五十歲。是生于定九年。其非挽強之顏高甚明。困學紀聞六。謬合作一人。全氏祖望經史問答六。因謂陽州乃別一顏高。亦非。顏氏家訓誡兵云。春秋之世。顏高。顏鳴。顏羽之徒。皆一鬪夫爾。顏氏為魯望族。不應並時同名有二高也。

范蠡。范蠡始見越語。字少伯。列仙志。呂氏春秋當染注。南陽人。史越世家集解引司馬遷素王妙論。故呂當染注云。楚三月人。水經清水注云。宛人。越絕六云。生于宛。棗惟列仙傳以為徐人。恐非。亦曰

子范子。越語。亦曰范公。易林蒙之需。抱朴子知止。亦曰范伯。越絕七。亦曰范生。抱朴子審舉。任命安貧。又辭越浮海出齊。變姓名曰鴟夷子皮。

世家。墨子非儒。又止陶。稱陶朱公。死于陶。世家。而集解引晉張華謂朱公家在南郡華容縣西。非也。乃蠡之後。晉西戎令范君墓。水經夏水注辨其誤。宋徽宗宣和五年。封為遂武

侯。宋史禮志。

葉公子高。葉公始見論語。葉公子高始見左哀十六。楚語下。亦曰葉公諸梁。左定五。哀十七。亦曰沈諸梁。哀十六。楚語。

姓沈。名諸梁。字子高。莊子人間世釋文。食采于葉。僭稱公。論語孔注。楚左司馬沈尹戌之子。楚語注。左定五注同。潛夫志氏姓以子高為戌之第三弟。非也。微小

短瘠。行若將不勝其衣。荀子非相。葬南陽葉縣西北。續郡國志注引皇覽。

達巷黨人。達巷黨人惟見論語。達巷者黨名。此黨之人。論語鄭注。即項橐也。本書董仲舒傳孟康注。又作項託。淮南說林。脩務論衡實知。抱朴

子微亦曰后橐。隸釋逢盛碑。亦曰太項。唐吳筠詩。亦曰童子。史孔子世家。七歲為孔子師。戰國秦策。史甘茂傳。新序五。淮南脩務論衡實知。而新序謂秦人誤。其人短折。

顏氏家訓歸心。十歲而亡。保定府滿城縣南門有先聖大王祠。號小兒神。明黃瑜雙槐歲鈔。

孟之反。孟之反始見論語。即孟之側。左哀十一。字反。孟氏族也。杜注。亦作孟子反。莊子大宗師。亦曰孟反。晉書王坦之傳。

大連。大連惟見禮雜記下。大連。少連。東夷之子也。同上。亦稱二連。文選齊王儉楮淵碑文。

顏丁。顏丁惟見檀弓下。魯人。鄭注。

顏柳。顏柳始見檀弓下。即顏辛。家語弟子解。一本作幸。史弟子傳亦作幸。又宋潛說友咸濱臨安志作章。疑皆形近而譌。字子柳。史傳。而白水碑作子炳。字書無此字。魯人。史集解開

元贈蕭伯。唐志宋封陽穀侯。宋志

周豐。周豐魯人。惟見檀弓下。

采桑羽。未詳。余弟履繩曰：羽疑女之譌。采桑女見列女傳陳辯女篇。惟列在第三。太高。或傳寫誤。

樂正子春。樂正子春始見檀弓上。祭義。公羊昭十九。曾子弟子。公羊注樂正因官氏焉。通志氏族略四

石讎。石讎惟見說苑敬慎。

子服子。案孟獻子生子服它。它生椒。椒生回。回生何。表獨缺回一代。則此子服子必子服回。惟列于哀

公時。在子服何之後。或傳寫失次也。回諡昭伯。始見左昭十六。廿三。晏子春秋雜上作子叔昭伯。

惠子。惠子即司寇惠子。始見檀弓上。衛將軍文子彌牟之弟惠叔蘭也。鄭注靈公生昭子郢。郢生文子木

及惠叔蘭。疏引世本子游與之善。使受學于夫子。家語弟子解

公房皮。未詳。廣韻注云楚或曰：御覽八百廿八引尸子有宋公歛皮。疑是此人。房字譌。或曰：似即禮射義

公罔之裘。注云之發聲。疏云公罔氏裘名。廣韻注謂裘孔子弟子古罔與方通。方與房通。而裘者皮衣也。玉篇又叶渠之切。爾雅裘與

狸。裘皮一爾。表中異文甚多。如媯作悔。顧作鼓。虎作龍。欣作剗之類。並所傳殊別。

段干木。段干木始見孟子。戰國齊策。晉之大駟。學于子夏。呂氏春秋尊師。魏文侯師之。史魏世家。葬芮城東北十五里。

水經河水四注。案。段氏段干氏判然不同。段氏出鄭其叔段之後。廣韻注。通志氏族略四。國策韓有段規。是也。老子之

後名宗者。為魏將。封于段干。史弟。因以為氏。路史國名紀二。如秦策段干越人。齊策段干綸。史田完世家作朋。魏策段干崇。列

子楊朱篇段干生。是也。而段干木之子隱如入關。去干字。亦為段氏。通志略路史後紀七注。並引趙岐三輔決錄。故廣韻注段姓又

引風俗通云。段干木之後也。然則段干木複姓。段干本自老子。班固幽通賦。木偃息以蕃魏。是舉其名。乃

路史國名紀二引風俗通氏姓注。謂姓段。名干木。蓋誤。而風俗通十反篇。三國志衛臻傳。水經河水四注。

高士傳。文選魏都賦。抱朴子嘉遁。逸民。欽士。譏惑。博喻等卷。劉晝新論薦賢。文武。遇不遇諸篇。俱稱干木。

晉劉逵魏都賦注引呂氏春秋亦作干木與今本異。文選宋謝靈運述祖德詩稱段生。恐皆割截言之。未可為據。

田子方。田子方始見戰國齊。魏策。莊子外篇。名無擇。莊子外篇。亦單稱方。韓子外儲說左。學于子貢。呂氏春秋當染。魏文侯師。史魏世家。

葬曹州范縣東南六十里。一統志。

甯越。甯越始見呂氏春秋不廣博志甯又作寧。史始皇紀論。亦曰甯子。說苑尊賢。中牟人學十五歲而周威公師之。

呂博志。

太史屠黍。太史屠黍惟見呂覽先識黍又作餘。說苑權謀。晉出公之太史。呂注。

翟黃。翟黃始見呂氏春秋下賢自知韓子內儲說下黃本作璜。呂覽舉難史魏世家又韓子外儲說左前璜後黃蓋黃乃璜之省文。又名觸。說苑臣術。

魏文侯上卿。呂下賢。案翟姓出翟國本音狄改音宅。見通志氏族略二。今讀若雜蓋宅音之轉耳。

任座。師古曰座音才戈反。任座始見呂氏春秋自知魏文侯直臣。同上。案古座座通用春秋襄廿六宋世子痤穀梁

作座故史漢于魏公叔座。商君傳。范座。本表。楚景座。六國表赧王三韓世家徐廣作痊。皆不從疒而任座無作任痊者顏亦音才戈

反何據。

李悝師古曰悝音口回反

李悝始見呂覽驕恣史孟荀傳亦曰李子相魏文侯

本書藝文志

案悝盡地力之教是商鞅

流也何以列第三

趙倉堂

趙倉唐始見史魏世家

唐與堂同左定五堂谿氏後書延篤傳作唐溪

倉又作蒼

韓詩外傳三八蒼倉古通

魏武侯之傅

世家

屈侯鮒

屈侯鮒始見史魏世家鮒又作附

說死臣術

屈侯復姓

廣韻

魏賢人

通志氏族略五引風俗通

西門豹

西門豹始見戰國魏策呂覽樂成西門復姓

廣韻

魏文侯鄴令

魏策

不鬪而死人手

韓子難言

亦曰門豹

朱君山

墓誌

公儀休

公儀休始見韓子外儲說右魯繆公之時

孟子

以博士高第為魯相

史循吏傳

亦曰公儀子

孟子

案檀弓

上有公儀仲子鄭注謂魯同姓休蓋其族並時有公儀僭見孔叢公儀篇

高士傳作潛

疑休之昆弟

文選郭有道碑注引孔叢作潛

疑今本

僭字譌

泄柳。泄柳始見孟子禮雜記下。亦曰子柳。子孟魯穆公時賢人。注禮案孟子疏以泄柳即檀弓之子柳考

檀弓上篇。子柳之母死。子碩請具。下篇。叔仲皮學子柳。鄭注云。子柳魯叔仲皮之子。疏引世本桓公生僖

叔牙。叔牙生武仲休。休生惠伯彭。彭生皮為叔仲氏。而春秋經傳叔仲惠伯在魯文公時。安得其孫為穆

公之臣。與子思並世。泄柳蓋別一人。惟程氏分記以皮是叔仲志之子。志乃惠伯玄孫。見左定八傳。其子

恐亦不及穆公也。

申詳。申詳始見孟子。詳又作祥。檀弓上案申詳為子張之子。子游之壻。檀弓注言子張姓顓孫。今日申

詳。周秦之聲相近。未聞孰是。鄭說似非。父氏顓孫。子氏申。父子別氏。古多有之。不足異也。

趙良。趙良惟見史商君傳。

昭廷。案國策楚昭氏顯著頗多。獨未聞廷。疑即懷王之良臣昭過也。

樗里子。師古曰。樗音丑於反。樗里子始見秦魏楚衛策。秦惠王異母弟。名疾。居渭南陰鄉樗里。俗謂之樗里子。滑稽

多智。號智囊。秦人諺曰。力則任鄙。智則樗里。封為嚴君。史本故曰樗里疾。西周秦楚衛策亦曰楮里疾。史索隱引紀年。一本楮譌楮。

亦曰庶長疾。亦曰嚴君疾。史秦紀亦曰樗里相國。呂氏春秋無義。又竹書報王八年。秦公孫爰伐皮氏。疑即樗里子。爰乃疾之譌。葬渭南章臺東。史傳

甘茂。甘茂始見東周、秦、韓、楚策。茂又作戊。說苑雜言古通下蔡人。史本傳

滕文公。滕文公惟見孟子。世本滕有考公廩與文公之父定公相直。其子元公弘與文公相直。似後世避諱改考公為定公。以元公行文德。故謂之文公。趙注錢宮詹曰：魏文侯、魯繆公、費惠公、燕昭王皆在

四等。文公亦當與彼同科。此刊本之誤。

公孫丑。公孫丑惟見孟子。公孫姓。丑名。孟子弟子。趙注齊人。孟注宋徽宗政和五年封壽光伯。宋史禮志葬濟南淄

川縣東南十五里。一統志又見鄒縣西北案：孟子弟子以樂正子為首。表置樂正四等。而公孫子居第三。恐傳寫誤

升一格。未必元本果爾也。

樂毅。樂毅始見燕策。其先祖樂羊封靈壽。子孫因家焉。史本傳燕昭王封為昌國君。奔趙。封望諸君。齊、燕策、史傳

葬邯鄲西數里。史集解宋徽宗宣和五年封平虜侯。宋志

廉頗。廉頗始見燕、趙策。封信平君。亦曰廉君。亦曰廉將軍。史本傳亦曰廉公。文選西征賦、盧湛覽古詩卒于壽春。史傳宣和封

臨城伯。宋志。錢宮詹曰：據張晏說，藺相如在第五，廉頗何以得列第三？此亦刊本錯誤之顯然者。

虞卿。虞卿始見趙、魏、楚策。趙孝成王以為上卿，故號虞卿。史本傳其名失之，虞乃氏也。史集解引譙周謂食邑于虞，非。

朱英。朱英始見楚策。楚人。高誘策注而宋鮑彪注云觀津人。

王翦。王翦始見燕、趙策。周靈王太子晉之子宗敬為司徒。通志氏族略四作宗恭。時人號曰王家，因以為氏。八世孫

錯生賁。翦之子為王賁，與九世孫同名矣，疑此誤。賁生渝，渝生息，息生恢，恢生元，元生頤，頤生翦。唐表王氏世系。頻陽東鄉人，秦始皇師之。

稱曰王將軍。史本傳。宣和封鎮山伯。宋志。墓在耀州富平縣東廿七里。寰宇記三十一。

孔襄。孔鮒弟子。子襄，鮒弟。始見史孔子世家。此云弟名騰。王肅後序新唐書孔氏世系表闕里文獻攷。長九尺六寸，年五十七。世家。案孔

襄何以居第三，豈因其藏書壁中有功經學，又嘗為孝惠博士，長沙太傅歟？錢宮詹曰：朱英當與毛遂同等，王翦當與蒙恬同等，孔襄當與孔鮒同等，此皆刊本之誤，非班氏意也。

漢書人表考卷四

中上

胤。胤始見夏書。胤國之君。孔傳亦曰胤侯。亦曰胤后。夏書案。堯典孔傳云。胤國子爵。顧命云。胤之舞衣。是

知古有胤國。史夏紀集解引鄭注謂臣名。

靡。靡始見左襄四。夏遺臣。杜注亦曰伯靡。竹書

女艾。女艾始見左哀元。

冥。根國冥始見禮祭法。魯語上。又作溟。宋庠國語補音亦曰商侯冥。竹書勤其官而水死。祭法魯語案。根國當作根國。說

在中中。

垓。冥子師古曰音該垓惟見此。冥子始見史殷紀。垓本作核。史索隱引世本又作亥。山海大荒東經竹書又作振。殷紀為有易之君綿臣

所殺。山海經竹書案。竹書稱殷侯子亥子。蓋其姓。而山海經稱王亥。郭注引竹書作殷王子亥。疑王字譌。

微子孩始見魯語上亦曰殷侯微竹書亦曰上甲魯語孔叢論書及竹書稱上甲微以甲日生商家生子以日為名自微始史殷

紀索 隱

鞠不窳子惟見史周紀世表有文在手曰鞠路史發揮周世考案周語下注酒誥釋文路史引世本並

作鞠陶函詩譜疏引史同疑今本史記脫陶字此表似亦缺

局不降弟師古曰局音工熒反局不降弟始見史夏紀世表又作喬左昭廿九疏引世紀又作禺路史後紀十四號曰高陽路史在位八年竹書而外紀通

志路史作廿一御覽八十二作廿二

廬師古曰音勤又音覲廬始見夏紀世表又曰廣又曰廛左昭廿九疏外紀通志引世紀又曰頓又曰董江御覽八十二路史後紀十四引世紀局子夏居西

河竹書在位十八年竹書而外紀通志御覽作二十年路史注云二十二年

虞公遂 虞遂始見左昭三舜後杜注殷興而封之左昭八注

逢公柏陵。伯陵始見周語下。有逢伯陵始見左昭廿。炎帝後逢國。伯爵。路史國名紀一。姜姓。左注。周太姜之祖。周語注。

前封逢。後改于齊。國名紀。案杜注以伯陵為殷諸侯。而山海海內經謂伯陵炎帝之孫。路史後紀四謂炎

帝器生伯陵。為黃帝臣。恐未可信。晏子敍伯陵于爽鳩。季荊之後。當非黃帝時人也。

費昌。師古曰。費音扶味反。費昌始見史秦紀。亦曰費伯昌。竹書。柏翳子若木實費氏。其玄孫費昌。當夏桀之時。去夏適

商。為湯御。以敗桀于鳴條。秦紀。

終古。夏太史令。終古。夏太史令。始見呂覽先識。路史國名紀。黃帝後任姓。有終國。終古其後。恐附會。桀迷亂。執圖法出奔商。呂覽。

外丙。大丁弟。外丙始見孟子。太丁弟始見史殷紀。名勝。竹書。亦曰外丁。廣弘明集破邪論引陶弘景年紀。在位二年。孟子。而殷紀及陶公年紀作三年。

中壬。外丙弟。仲壬始見孟子。外丙弟始見史殷紀。世表。名庸。竹書。在位四年。孟子殷紀。

沃丁。太甲子。沃丁始見商書序。太甲子始見殷紀。名絢。竹書。在位十九年。竹書。而外紀。通志作廿九年。

大庚沃丁弟太庚、沃丁弟始見殷紀、世表亦曰小庚名辨竹書、而外紀、通志、御覽八十三作廿五年

小甲大庚子小甲、太庚子始見殷紀世表誤作大庚弟名高竹書在位十七年竹書、而外紀、通志作三十六注又云五十七

雍己小甲弟雍己、小甲弟始見殷紀、世表名仙竹書在位十二年竹書、而外紀、通志作十三案殷紀言雍己時殷道衰諸侯

或不至何以列中上。

孟獻益後孟戲始見史秦紀又作虧路史後紀七戲虧虧三字形聲皆相近柏翳子大廉其玄孫孟戲秦紀作土于蕭是為蕭孟虧

路史

中衍中衍始見史秦紀趙世家亦曰費侯仲衍竹書人面鳥喙世家又紀作鳥身人言為殷太戊車正竹書案史以孟

戲仲衍為弟兄而伯益卒于夏啓時其五世孫己及殷戊中間幾閱六百年何壽之長也路史謂孟虧當夏中世至仲衍臣太戊理或然歟乃後紀七又謂舜封孟虧于蕭則其說仍無定據故表但云益後而已

中丁大戊弟仲丁始見商書序名莊竹書遷于囂竹書在位九年竹書、而外紀、通志、御覽八十三作十一年案書孔傳疏引世本史殷紀

並言仲丁是太戊之子此作弟誤也

祖辛。祖乙子。始見史殷紀。名旦。竹書在位十四年。竹書而外紀通志御覽八十三作十六年。

沃甲。祖辛弟。始見殷紀。世表。又作開甲。書盤庚疏引史索隱引世本及竹書又書疏以開甲為祖辛子亦異。名踰。竹書在位五年。竹書而御覽八十三

作二十五外紀、通志作二十年。

祖丁。祖辛子。始見殷紀。世表。名新。竹書在位九年。竹書而外紀御覽八十三作三十二通志作三十三。

南庚。沃甲子。始見殷紀。世表。名更。竹書在位六年。竹書而外紀通志御覽八十三作二十九年。

劉姓豕韋。劉累更豕韋之後。在商為豕韋氏。始見左昭廿九、襄廿四、晉語八。案左傳、晉語韋、杜注、史夏紀集解引賈逵。並謂劉累代彭姓之豕韋。尋遷魯縣。豕韋復國。至商武丁滅之。復以累之後世劉氏承其國。為豕韋氏。故竹書夏孔甲元年。廢豕韋氏。使劉累象龍。七年。劉累遷于魯陽。皋元年。使豕韋復國。殷武丁五十年。克豕韋。惟不言劉氏復代之耳。

祖庚。武丁子。始見史殷紀。名曜。竹書在位十一年。竹書而外紀通志御覽八十三作七年。

膠鬲。始見晉語一。膠姓。廣韻注。而路史國名紀六以膠為國。非也。商舉魚鹽之中。安得有國。鬲又作革。路史。

微仲。案表于第五等云。宋微中、啓子。則此必據孟子敍膠鬲而誤連及之。釋史以彼爲重出。非也。

商容。商容始見書武成、禮樂記。亦曰商先生。韓詩外傳二。

師涓。師古曰涓音上玄反。師涓始見史殷紀。案此仍史之誤也。師涓當晉平公、衛靈公之世。見韓子十過、呂氏春

秋長見、史補樂書。紂時樂人乃師延。亦見韓子十過及釋名、拾遺記、水經注八、禮樂記注。但延爲紂作淫聲。後抱樂器投濮水死。固是下等人物。而表與商容、梅伯並列。甚不可解。

梅伯。梅伯始見楚辭天問。惜誓。子姓。廣韻注。紂諸侯。楚辭注。商之思國。路史國名紀六。以數諫至醢。楚辭。

邢侯。案邢侯卽鄂侯也。鄂侯。紂之三公。因諫醢鬼侯。並脯之。見戰國趙策。史采入股本紀。魯仲連傳。晉

徐廣于仲連傳云。鄂一作邢。此是的證。惟徐于殷紀謂一作邢。則誤也。竹書亦誤邢。路史國名紀六曰。世紀邢

侯事紂以忠諫死。而邢爲文王所伐。文王豈伐賢哉。疑別本殷紀是邢字。譌爲邢耳。又韓子難言稱紂炙翼侯。亦卽鄂侯。左隱五年。邢人伐翼。翼侯奔隨。六年納諸鄂。謂之鄂侯。史楚世家熊渠中子紅爲鄂土。吳越春秋句踐陰謀外傳號翼侯。蓋地相近。

鬼侯。鬼侯始見禮明堂位。戰國趙策。鬼容區後。路史國名紀六。紂之三公。趙策。又作九侯。史殷紀竹書。九鬼聲近。故不同。

明堂位疏。紂脯以饗諸侯。明堂位。

伯達。

伯适。師古曰。适音江。闕反。

中突。

中習。師古曰。習與忽同。

叔夜。

叔夏。

季隨。

季騶。師古曰。伯達以下。周之八士也。騶音瓜。

八士惟見論語。四乳生八子。

論語包注本春。騶又作瓜。廣韻季秋繁露郊祭篇。字注。

案。逸書克殷解有南

宮百達、南宮忽、楊升菴據之以八士為南宮氏。當是也。而逸書和寤、武寤兩稱尹氏八士。注。武王賢臣。蓋尹

官之長。如書顧命之百尹。立政之尹伯也。晉語四稱文王詢于八虞。注。八士皆在虞官。則實文、武時人。邢疏謂鄭玄以為成王時。劉

向、馬融以為宣王時。未知何據。

成叔武文王子

成叔武、文王子。始見史管蔡世家。成本作邴。

春秋隱五及十、桓三、莊八、文十二、左僖廿四、公羊莊八經作成也。

又作盛。

公羊桓三、文十二、經莊八

傳、穆天子傳

邴國伯爵左隱五疏

霍叔處文王子

霍叔始見書蔡仲之命、逸書作維。名處。文王子。始見管蔡世家。

白虎通姓名章及列女傳、四八、目以成叔名處、霍叔名武並誤。

侯

爵書孔傳

葬潁州霍丘縣西北淮水北岸。一統志

案叔處與管、蔡同在罪人之列。何以居第四。

檀伯達師古曰武王臣

檀伯達惟見左成十一。姜姓國。路史國名紀一

蘇忿生師古曰武王司寇蘇公

蘇忿生始見左隱十一。己姓。鄭語亦曰司寇蘇公書立政

案書傳言忿生封蘇國。唐孔氏

于立政及左僖十疏並謂國名為蘇。所都之地名為溫。得兩稱之。蓋因僖十春秋書狄滅溫。溫子奔衛。而傳稱蘇子爾。惟杜注云。蘇子。蘇公之後。國于溫。故曰溫子。不說國于蘇。極當。古無一國二名者。隱十一年。王與鄭蘇田十二。溫居其首。則國于溫可知。成十一年。蘇忿生以溫為司寇。不云以蘇為司寇也。路史國名紀三判蘇、溫為二國。唐書世系表忿生出自己姓昆吾。昆吾之子封于蘇。晉語一般辛伐有蘇氏。是蘇國受封甚遠。忿生乃有蘇之後。以國為氏。路史後紀八略及之。故謂忿生之封。並得蘇地。則可謂忿生始封蘇而兼號溫。則不可。

滕叔繡。文王子。錯叔繡封滕。文王子始見本書地理志沛郡公丘師古注及路史後紀十注引世本。錯疑其字而路

史以為初侯爵。春秋隱七。諡文公。水經泗水注路史。案此以為文王子與左僖廿四文昭之言合。杜世族譜云滕武王封

之。而地理志謂周懿王子。水經注仍其說。恐非也。左隱七疏引志作文王子。

原公。文王子。案原公無所見。左僖廿四言原、郃、雍、酆、郇為文之昭。則是文王子也。晉語四文王諏于蔡原。

注謂原公。據杜注及路史國名紀五是伯爵而為三公。

郃子。文王子師古曰郃音告。郃又作告。路史後紀十。子爵。春秋僖二十經。

雍子。文王子。雍又作雝。路史後紀十。案此以雍為子爵。路史國名紀五、通志氏族略二皆云伯爵。

酆侯。文王子。酆又作豐。竹書及本書律麻志引逸書。案律麻志云康王十二年作豐刑。書畢命疏以為偽書。竹書成王十九年黜豐侯。

坐酒亡國。故禮有豐爵圖形戒後。詳困學紀聞五。說文豐部云鄉飲酒有豐侯。抱朴子酒誡云豐侯得罪。以戴尊銜杯。當是此酆侯之子若孫。

郇侯。文王子師古曰郇音荀。

郇侯始見詩曹風傳亦曰郇伯。曹風亦曰荀叔。逸周書王會解

案郇荀枸三字古通故本書地理

志枸邑師古謂讀與荀同應劭引春秋桓九年荀侯作郇侯惟孔晁周書注云荀叔成王弟疑武字譌成左傳文成之世誤作文武與此恰同而高氏春秋地名考據之以郇是文昭在絳州荀是武穆在解縣判為兩國殊不可信。

唐叔虞。武王子唐叔虞武王子始見史晉世家邑姜方震夢帝謂命而子虞及生有文在手曰虞遂以命

之成王滅唐封焉。左昭元侯爵。左隱五疏字子于。世家毛本作子干亦曰唐叔。書歸禾序逸書王會解左僖廿三晉語四八亦曰太叔。昭元亦曰叔虞。呂覽重言世家

葬太原縣西南十五里馬鞍山。一統志

應侯。武王子應侯始見逸書王會解應武之穆始見左僖廿四。案桐珪戲封呂覽史晉世家說苑君道

以為唐叔漢褚少孫補史梁孝王世家本書地理志應劭注並據韓詩外傳以為應侯先儒祇辨封應之非而不知其事元未可信也。

左史戎夫。各本譌右史依釋史作左左史戎夫惟見逸書史記解。案戎夫作記在周穆王時表列成王之世非。

祝雍。祝雍惟見大戴禮公符。

邗叔。仁和翟教授灝曰。邗侯。武王子。表已前書于第五等。此邗當作陶。字之譌也。陶叔。成王司徒。見左

傳定四年。

商子。商子惟見說苑建本。錢宮詹曰。周髀算經周公問于商高。當即說苑之商子。戴東原謂即商容。

未知然否。

穆王滿。昭王子。

穆王始見書序。穆王滿。昭王子。始見史周紀。穆又作繆。史秦紀。趙世家。亦曰周穆。抱朴子。名實。亦曰穆滿。穆天。

子亦單稱穆。左昭四。昭王娶房后。丹朱馮之生穆王。周語上。即位已五十。立五十五年崩。周紀。年百五歲。御覽八十五。而昌黎佛骨

表依呂刑稱百年。論衡氣壽言百三四十歲並妄。都南鄭。竹書穆天子傳亦稱西鄭。見沈約注。及本書地理志京兆鄭縣臣瓚注。

呂侯。師古曰。穆王司寇也。呂侯始見此。本作甫侯。史周紀。又書呂刑疏云。禮記書傳多稱甫刑。又作郟。路史國名紀一。炎帝之裔伯夷掌四岳。史齊世家索隱引譙周說。

本周。鄭語。為禹心呂之臣。故封呂侯。說文其說本周語下。又山海海內經言炎帝後祝融生共工。共工生后土。后土生噎鳴。路史後紀四以共工即垂。噎鳴即伯夷。而又謂祝庸生句龍為后土。后土生垂為共工。共工生伯夷。並妄誕

難信。呂是其後。宣王時改甫。呂刑疏。案竹書穆王五十一年作呂刑。命甫侯于豐。呂乃甫侯氏也。說文又云。邺。

甫侯所封。邺即許字。恐未可據。

君牙師古曰穆王司徒也君牙始見周書又作君雅禮緇衣

伯嬰師古曰穆王太僕也嬰音居永反伯嬰始見此本作伯罔書罔命字本作罔又作嬰書大傳史周紀說文又作嬰書釋文又作亞又作嬰金韓道昭五音集韻

又作景通雅九引杜佑省官疏而今本唐書作罔未知方氏何據錢宮詹曰嬰當作嬰班史多古文轉寫舛謬失其舊矣

祭公謀父師古曰祭音側介反祭公謀父始見左昭十二周語上逸書祭公解亦曰鄒父穆天子傳諡文公竹書案周書

祭公對穆王自稱謀父則是其名韋昭以為字非廣韻公字注謂謀父出姜姓妄

密母密康公母始見周語上隗氏史周紀集解引列女傳今本列女傳作魏

共伯和師古曰共國名伯爵也和共伯之名也共音恭而遷史以為周召二公行政號曰共和無所據也共伯和始見莊子讓王呂氏春秋開春史周紀正義引

魯連子商後國路史國名紀四行政十四年周紀十二侯表案史以共和為周召行政之號子長之單解也辨見史記志

疑三

嘉父。家父始見詩節南山篇。家氏父字。左桓八注。周大夫。詩箋。案嘉家古通儀禮士冠禮注作嘉甫。

譚大夫。譚大夫惟見詩大東序。譚國在東。鄭箋。

寺人孟子。寺人孟子惟見詩巷伯。

伯陽父。伯陽父始見周語上。

史伯。史伯始見鄭語。周太史。韋名穎字碩父。宋黃伯思東觀餘論周史伯鼎說。亦曰太史伯。史鄭世家。亦曰太史伯陽。史周紀豈以史伯即伯陽

父耶。疑誤。

師服。師服始見左桓二。

虢文公。虢文公始見周語上。西虢虢叔之後。韋注。

臧哀伯。臧哀伯始見左桓二。僖伯彊生哀伯達。禮器及左莊廿八疏引世本。故曰臧孫達。左莊十一。

隨季良。季梁惟見左桓六。隨賢臣。杜注。案梁良古通。水經澗水注亦作季良也。他如王良為星名人名。

荀子正論、論衡命義、本書天文志並作王梁。秦爵有大良造。東周策作大梁造。本書文三王傳北獵梁山。

史梁孝王世家作良山。地理志東郡壽良史。絳侯世家索隱引作壽梁史。秦後有將梁氏。路史作將良。隸釋有袁良碑。水經渠水注作袁梁。范史張角弟梁，袁宏紀作良。

魯申繻。申繻始見左桓六。又作申俞。管子大匡。

楚保申。保申始見說苑正諫。保又作葆。呂氏春秋真諫。又作鮑。淮南說山。案保葆古通。鮑保音近。廣韻注謂保姓。非

也。申固曰卜以臣為保。

齊寺人費。師古曰即徒人費也。費音祕。徒人費惟見左莊八。又作主屨者菲。史齊世家。遇賊鬪死。左傳。

王青二友。未詳。

高僊。師古曰僊音奚。高僊始見左莊九。春秋廿二。齊文公生公子高。其名無考。通志氏族略四謂以王父名為氏恐非。孫僊。以王父字為氏。食

采于盧。左成十七。襄廿九有之。路史國名。紀一引風俗通謂僊采高堂妄也。諡敬仲。左襄廿九。自齊文公已下。見唐書世系表七十一下。亦曰高子。春秋閔二及公穀齊語。葬臨淄縣東北二十

里。一統志。

王子成父。王子成父始見左文十一。又作成甫。晏子春秋問上新序四。又作城父。管子小匡呂覽勿躬史齊魯世家並古通用字。亦曰公子成父。

韓子外儲說左亦曰王子。史律書

案城父不知何王之子。韓昌黎王仲舒神道碑、通志略五以為姬姓。魏王基碑以

為王子比干之後。見錢宮詹金石文跋尾二。未知孰是。

賓須亡。賓須無始見左昭十三、齊語及管子大匡諸篇。賓姓。廣韻注。

麥丘人。麥丘人始見韓詩外傳十、新序四年八十三。祝齊桓公。封之以麥丘。新序案晏子春秋諫上以

為麥丘封人。八十五祝齊景公。御覽七百三十六引韓亦作麥丘封人。今本韓作邦人。新序作邑人。蓋叟

為其邑之封人也。

輪扁。師古曰。輪扁也。扁音翻。輪扁始見莊子天道、淮南道應。扁邊音相近。斲輪人名扁。莊釋文。問齊桓公讀書。莊子淮南而韓詩外傳五以為楚成

人。王工人。

平陵老。平陵老惟見說苑貴德。案此不過一家貧年老之人。無所短長。何以居中上。

愚公。愚公惟見說苑政理。列子湯問有平山。家在愚山東。水經淄水注。

陳公子完。子。他。陳公子完始見左莊廿二。亦曰陳完。亦曰田完。史世家。諡敬仲。厲公子。左傳世家。王莽追王之。本傳。

案左桓五、莊廿二言陳佗五父是文公子。史記誤分佗與五父為二人。以佗為厲公。表仍其誤。故注曰佗子。何休公羊注誤同。見桓六及十二。

虢史嚳。虢史嚳惟見左莊三十二、晉語二。

周內史過。周內史過始見莊三十二、周語上。

楚屈完。師古曰屈音九勿反。楚屈完始見春秋僖四。案傳桓十一年有屈瑕。楚屈氏始見莊四年有屈重。杜譜闕

其系。而高氏姓名考謂重是瑕子。完是重子。未知所據。庚信擬連珠完作倪。

卜偃。卜偃始見左閔元、晉語二。即郭偃。晉語一三四。亦曰高偃。墨子所染。余弟履繩云。高與郭聲之轉也。晉掌卜大夫。韋杜注。宋徽宗大觀

三年封平陽伯。宋史禮志。案呂氏春秋當染作邲偃。乃郭字之譌。御覽六百二十引呂作郭偃。可證。

辛廖師古曰。蓋辛有。廖音聊。辛廖惟見左閔二之後。

梁餘子養。梁餘子養惟見閔二。梁餘複姓。廣韻注。本衛人。通志氏族略四。案。晉有梁氏。莫考所系。未知梁氏。梁餘

氏是一族否。路史後紀七。國名紀二言二氏出梁國。則其先必梁之餘子。故以梁餘為氏。如韓餘氏。然恐

非衛人。至路史謂梁餘乃子養之邑。殊不可信。

罕夷。罕夷惟見閔元。

申生。申生始見左莊廿八。晉語一。檀弓上。晉獻公太子。同諡共君。晉語二三。亦曰恭世子。檀弓。晉語三。共恭同。亦曰共太

子。左傳十。亦曰伯氏。晉語。亦曰共子。左昭廿八。亦曰申子。莊子盜跖釋文。亦曰伯林。楚辭天問。又注云。伯長也。林君也。母齊姜。莊廿八。驪姬施讒申生。晉語

一。縊于新城。左傳四。葬曲沃縣西門內。一統志。

狐突。狐突始見左閔二。晉語一。檀弓上。狐氏出自唐叔。晉語四。別在犬戎者。章注。晉大夫大狐伯生突。通志氏族略四。

引世本。申生之傅。舅犯之父。檀弓注。重耳外祖父。左閔二注。亦曰伯行。晉語四。亦曰伯氏。晉語第。二檀弓。亦曰狐子。抱朴子論仙。晉懷公殺

之。左傳廿三。葬太原交城縣西北。一統志

秦繆公。成公弟。秦穆公始見書秦誓序、詩黃鳥、晨風序、左成十三、晉語二、成公弟始見史秦紀。名任好。左文

亦曰秦穆。文三亦曰秦公。晉語亦單稱穆。成十立三十九年。史秦紀葬雍橐泉宮祈年館下。秦紀及本案秦伯

之諡。公羊、史記作繆。與穆同。而史蒙恬傳、風俗通皇霸篇以繆為惡諡。讀靡幼反。宋姚鉉唐文粹有皮日

休秦穆諡論及明楊慎二伯論。並從之。惟唐段成式酉陽雜俎續集云。論衡言秦穆為繆。音謬。可笑也。何

于公羊文十、十二、十八注以穆公子康公罃為穆公。蓋因春秋不書穆公卒。遂誤認子作父耳。

秦繆夫人。秦穆夫人始見左莊廿八。晉獻公女。左傳申生姊。史秦紀而晉世家言女弟非。亦曰秦穆姬。亦曰伯姬。傳五及

公孫枝。公孫枝始見左僖九。晉語一。又作支。史秦紀李斯傳與枝同。字子桑。左傳十三岐州人。游晉。後歸秦。史正義引括

族。故通志氏族

略三云嬴姓

繇余。師古曰。即由余。

由余始見韓子十過、呂氏春秋不苟、韓詩外傳九、史秦紀、李斯傳、姓由。廣韻注。繇讀與由同。本表

師古注。繆公西取于戎。李斯傳。

蹇叔。

蹇叔始見左僖卅二。蹇姓。

廣韻注。

亦曰蹇叔子。

公穀僖卅三。

岐州人。

史正義引括地志。

燭之武。

燭之武始見左僖三十。亦曰燭武。

後書張衡傳。

之者猶言介之推、佚之狐也。

通志氏族略三。

案武蓋以邑為

非。氏。故水經侑水注云。邑在燭城。廣韻注遂云燭姓。而通志略謂燭之武不得氏。以其居于燭地。故言燭。恐

內史叔興。

內史叔興始見左僖十六。亦曰內史興。

周語上。

亦曰內史叔興父。

左僖廿八。

亦曰周內史叔興。

說苑復恩。

卜徒父。

卜徒父惟見左僖十五。秦之掌龜卜者。

杜注。

宋大觀三年。封潁陽伯。

宋史禮志。

禽息。禽息惟見後漢書朱穆傳、循吏傳注、文選演連珠注引韓詩外傳、薦百里奚不見納、繆公出當車以頭擊闐。腦乃精出。繆公感悟。後書注引韓選注以為觸。檣死者妄。論衡儒增辨之。

王廖師古曰。廖音聊。

王廖始見文選四子講德論注引韓詩外傳。

今本韓卷九作王繆。

亦曰內史廖。

韓子十過。呂氏春秋不苟。史秦紀。

亦曰王子

廖說苑尊賢。

晉文公獻公子。

晉文公始見詩渭陽序。左僖九。獻公子始見左僖廿四。母大戎狐季姬。

左莊廿八。昭十三。而檀弓上疏引作大戎。疑今

本左傳譌大字。晉語四注亦云大戎。

名重耳。

始見莊廿八。

骨體駢脅。

左僖廿三。論衡骨相

亦曰公子重耳。

僖廿三。

亦曰晉侯重耳。

僖三十。二春秋。

亦曰晉重。

左定四。亦

曰晉耳。

李商隱集為某先輩獻集賢相公啓。

亦曰晉公。

呂氏春秋當賞。

亦曰文君。

楚辭惜往日。淮南齊俗說山。

亦曰晉文。

左昭四。孟子。

亦單稱文。

文選思玄賦。真誥闡幽微。二稱水官司命。

也。立九年卒。

史年表。晉世家。

葬絳縣東南二十里。

一統志。

夫人姜氏。

姜氏惟見左僖廿三。晉語四。文公適齊。

晉語。

桓公妻之。

左傳。

魏犢畢萬子。

魏犢始見左僖廿八。諡武子。

僖廿三。

亦曰武仲州。

左閔元疏。禮樂記疏。史魏世家索隱並引世本。左疏云。州即犢是也。故公羊成十一經以郤犢為郤州。

案。

世家謂畢萬生武子。表遂依之。但世本言萬生芒季。芒季生武仲州。

樂記疏誤作萬生。芒生季。

故杜于閔元年注云。畢

萬魏攀祖父疑世家非。

顛頡。顛頡惟見左僖廿三。顛姓。廣韻注。或言太顛之後。通志氏族略四。伐曹。燕僖負羈氏。殺以徇師。僖廿八。

胥臣。胥臣始見左僖廿八。晉語四。亦曰臼季。僖廿三、文五、晉語四、五史晉世家作昔季。亦曰司空季子。僖廿三、晉語四。胥氏。臣名。食采于

白邑。字季子。而為司空之官。僖廿三疏。

賈佗。師古曰。佗音徒何反。賈佗始見左文六。又作它。晉語四。又作他。錢宮詹金石文跋尾再續一後魏賈使君碑。晉公族。晉語。食邑于賈。章注。為太師。左文

六。章昭以賈它與狐偃之子賈季為一人。大誤。唐表繆仍之。

董因。董因惟見晉語四。晉大夫周太史辛有之後。章注。

豎頭須。豎頭須惟見左僖廿四。晉語四。豎未冠者之官名。周禮天官內豎注。亦曰里臯須。韓詩外傳十。新序四。案。頭字古叶

同都切。與臯音近。里蓋其氏。此傳聞之別。故章、杜並箸之。非有二名也。孔疏謂兩文必有一謬。又以里臯須為出史記。皆失考。

齊國嚴子。齊國莊子始見左僖卅三。是為國歸父。僖廿八傳、卅三經。亦曰國子。僖卅三。國氏、太公之後。代為上卿。廣韻注。

其先共伯。通志氏族略三。歸父之父曰懿仲。杜僖廿二注。

周內史叔服。內史叔服始見春秋文元年經傳。叔氏服字。杜注。案叔服疑是內史叔興之子。程氏分記

謂內史過子叔服。服子興似非。至穀梁以叔服即王子虎。最繆。見文三。而何休注公羊從之。殊不可解。一為

叔氏。官內史。一為王叔氏。官太宰。見左文三、襄五、襄十周語上中。安得并而言之。

孟明視。孟明始見左僖卅三。孟明視始見文二。亦曰百里孟明視。亦曰孟子。僖卅二。又釋文及石經子作兮。亦曰子明。晉語二。

又作孟盟。淮南人閒明盟古通。見詩小雅黃鳥箋。姓百里。名視。字孟明。僖卅二疏。

西乞術。西乞始見僖卅二。術始見春秋文十二。西乞術始見僖卅三。術是名。僖卅二疏。又作遂。公羊文十二。又作秬。

史晉世家。三字古通。魯有仲遂。魯世家索隱引世本作述。鄒誕生本作秬也。述與術亦同。廣韻注引風俗通作仲述。但古以術通遂為多。如禮月令徑術。學記術有序之類。今據此可互通矣。毛氏奇歸春秋簡書刊誤以術字變遂為非。西乞複姓。廣韻注引

世本僖卅二疏言或字或氏不可明。又作西乙。淮南人間注。余弟左通云。乞乙形近通寫。左哀十六石乞。淮南道應作石乙。戰國楚策江乙。韓子內儲說上作江乞。案。史秦紀以術爲

落也。蹇叔子。杜世族譜辨其妄。蓋與唐書世系表以西乞爲孟明子同謬。又表于秦三帥無白乙丙。必轉寫脫

士會。士會始見左僖廿八。士蔿之孫。成伯之子。周語中注。成伯名缺。見左文十三疏。史趙世家。索隱引世本及晉語八。注。左疏作士伯缺。程氏分記謂會是士穀子。誤。穀于文二年始見經。在

會之後。文九年見殺。字季。諡武。左宣十。初受隨。後更受范。宣十。故曰隨會。文十三。亦曰范會。左昭。亦曰士季。文七。宣二。必非父子。或昆弟耳。六注。

亦曰隨季。宣十。亦曰季氏。宣十。亦曰范子。周。亦曰武子。宣十六。成二。亦曰隨武子。宣十二。晉。亦曰范武子。宣十七。成十八。

襄廿七。爲太傅。宣十。葬九原。檀弓。案。史通品藻謂表在第五等。今本列第四。是刊本譌失。但隨季宜在仁智

之列。不當屈居中等。

繞朝。繞朝惟見左文十三。繞姓。廣韻。爲戮于秦。韓子。說難。

石癸。石癸始見左宣三。亦曰石甲父。僖廿四。三十。案。甲父蓋卽癸之字。通志氏族略三以石甲父。石癸爲二

人。廣韻注作甲石甫。謂姓甲。並誤。

公孫壽。

蕩意諸。

公孫壽始見左文十六、春秋成八、蕩意諸始見左文八、宋公子蕩、桓公子也。

文七傳及注。

壽、蕩之子。

意諸、壽之子。

文十六注。

蕩氏以名為氏。

通志略四。

宋人弑昭公、意諸死之。

文十六。

公冉務人。

公冉務人惟見左文十八、公冉複姓。

廣韻注。

卜楚丘。

卜楚丘始見左閔二、魯掌卜大夫。

杜注。

楚丘卜人姓名。

昭四注。

宋大觀三年封昌衍伯。

宋史禮志。

晉趙盾。

衰子。

趙盾始見左僖廿三、春秋文十四、晉語五、趙衰妻狄女叔隗生盾。

僖廿三、廿四。

諡宣。

文六注。

故曰宣子。

曰趙宣子。

始見文六、七、周語中晉語。

亦曰趙孟。

文六、晉語。

亦曰原大夫。

後書文苑趙壹傳。

亦曰宣孟。

左成八。

亦曰趙宣孟。

呂覽報更。

亦曰趙宣。

抱朴子吳失。

亦與趙成子共稱成、宣。

晉語六。

葬平陽太平縣南十五里汾陽村。

一統志。

鉏麇。

鉏麇始見左宣二、晉語五、晉力士。

章杜注。

鉏姓。

廣韻注。

又作沮。

呂氏春秋過理。

麇又作麇。

呂過理。

亦曰鉏之彌。

說苑立節。

觸

槐而死。左傳晉語呂氏春秋而公羊宣六云刎頸死。案。鉏沮古通。左襄廿三公鉏。廣韻注作公沮。史孔子世家黎鉏。即左定十犂彌。唐馬

總意林引韓子作黎沮。今本韓子內儲下作黎且。麇與麇同。禮玉藻注引論語麇裘作麇。而麇別作麇。彌弭亦通。故又作

彌耳。寰宇記廿六謂冢在成陽東北三十里疑。

宋伯夏。叔子各本叔子誤大字。防叔生伯夏。始見史孔子世家。國朝雍正元年。追封孔子之祖伯夏為昌聖王。闕里文獻考。

鬪伯比。案。伯比在魯桓公時已列第五等。不應復見于宣公之世。元表必鬪伯比子四字。是上格令尹子文之注。傳寫譌作大字。混入下格。又脫去子字耳。釋史以為重出。恐非。

楚嚴王。穆王子。楚莊王始見左文十四。楚語上。穆王子始見史楚世家。名旅。左氏公羊春秋宣十八。又作呂。穀梁春秋。又作侶。

史年表。亦曰荆莊王。呂氏春秋情欲當染重言似順。亦曰莊君。荀子性惡。亦曰楚莊。淮南繆稱。隸續嚴訢碑作楚壯。亦曰荆莊。韓子有度。亦曰楚嚴。後漢朱穆傳。亦曰

楚莊公。真誥協昌期一。立二十三年卒。年表世家。葬江陵縣西龍山鄉三十里。唐余知古清宮舊事。寰宇記百四十六。案。呂侶音相近。而說文

呂膂本一字。則旅即膂之省文。

王孫滿。王孫滿始見左僖卅三。周語中。案。杜譜王孫滿列雜人。不詳其系。通志氏族略四王史氏注

則云周共王生圉。圉曾孫生滿。世傳史職。略五王孫氏。注又云滿。頃王孫。恐不可信。

箴尹克黃。箴尹克黃。惟見左宣四。令尹子文孫。同上子揚之子。箴尹官名。

杜注。據傳子揚即令尹鬬般。亦作班。本書敘傳云。楚人謂虎班。其子以為號。秦滅楚。

遷晉代之。間因氏焉。越椒之亂。自拘于司敗。王復其所。改命曰生。宣四。

魏顛。師古曰。顛音口果反。

魏顛始見左宣十五。晉語七。魏犢子。別為令狐氏。蓋顛長而庶。降幼而適也。

左襄三疏引杜諸。又唐表七十

五下云。顛別封令狐。

五參。伍參始見左宣十二。

伍五古通。廣韻五字注云。五姓。而于伍字不言姓也。

又作午。

錢宮詹金石文跋尾。續三唐朱孝誠碑。

伍奢之祖父。楚公族。

潛夫志。氏姓。

陳應。未詳。

申公子培。

依釋史本。各本子字譌申。

申公子培始見呂氏春秋至忠。培又作倍。

說苑。立節。

殺隨兇而死。

呂氏春秋而說苑云射科雉。

樂伯。樂伯惟見左宣十二。善射。傳所謂左射馬而右射人也。

同上。

優孟。優孟惟見史滑稽傳。楚莊王時樂人。長八尺。

同上。廣韻注。以優為姓。非。

明郭延年史通評釋曰。優孟王人弄兒。

不當置第四

鄭公子弃疾。去疾始見左宣四。鄭公子去疾始見成二年傳。三年經。字子良。宣四及十一、二十四成七。穆公庶子。宣四注。

案去亦作弄。與弃字形近音鄰。義並得通。故遂以去為弃。晉頃公名去疾。史十二侯表稱棄疾也。

子反。子反始見左宣十二。楚語上。名側。左成四、九十六。亦曰公子側。成十、六經。亦曰司馬。成十、六。亦曰司馬子反。公羊宣十五。穆

王子。春秋分記。師敗自殺。成十六。而韓子十過。呂覽權勳。淮南人閒。並云共王斬之。史楚世家又云王射殺之。

逢丑父。逢丑父始見左氏。公羊成二傳。面目與齊頃公相似。公羊又公羊云。郤克斬之。葬萊州昌邑縣南五里。襄字記十八。

賓媚人。賓媚人惟見左成二。即國佐。始見春秋宣十三。傳成二周語下。是為國武子。左宣十、成十七。周語。亦曰國子。成十七。國歸父之子。

周語注。齊靈公使以戈殺之。左成十八。案杜譜言賓媚人不知何等名號。竊疑是武子之字。佐為輔弼。取媚茲一

人之義。賓蓋其兼官主賓客之事。即致賂于晉可證。或云齊有媚邑。見左定九。哀十五傳。武子殆居于媚。而別氏為賓歟。錢宮詹曰。齊桓公時有賓須無。賓與國或同族。如晉范氏即士氏之類。春秋邑大夫或稱人。國佐以媚大夫為正卿。如祭封人之例。亦似可通。

范文子士 文子燮始見左宣十七。范文子始見左成二。晉語五。士燮始見成二傳。成八經。亦曰范叔。成二。

晉語 亦曰文叔。史趙世家索隱引世本。 士會之子。韋杜注據世本。

臧宣叔。臧宣叔始見左宣十八。文仲子。武仲父。杜名許。宣十。 故曰臧孫許。春秋成元二。 亦曰臧孫。左成二。 目眇。公羊成二。

而疏引或說作跛。史晉世家云魯使蹇。

韓獻子厥。韓獻子韓厥並始見左宣十二。晉語五。厥又作屈。公羊襄元經。蓋古通借字。文十經厥貉。昭十一經厥愍。公羊皆作屈也。 韓簡生子輿。

子輿生厥。史韓世家索隱引世本。唐書世系表七十三下同。子輿見左成二。 韓萬之玄孫。韋杜注。 亦曰韓子。晉語六。 亦曰韓獻。戰國燕策。 葬山西忻州南十五

里。一統志。 宋徽宗崇寧二年。封義成侯。高宗紹興十六年。加忠定義成侯。廿二年。加封啓佑公。宋史高宗紀。禮志及通考百三卷。佑

佑。一作

程嬰。程嬰始見史趙世家。說苑復恩。趙朔客。立趙氏之後。遂自殺。世家。 宋神宗元豐四年。封成信侯。紹興

十六年加忠節成信侯廿二年加封彊濟公

宋史神宗高宗紀禮志通考百三

葬忻州西南原上

一統志又云嬰與杵臼墓在平陽太平縣南趙盾塋中又云在邯鄲縣西

十五里

羊舌。未詳。仁和孫侍御志祖曰。嬰。杵臼之閒。豈容復儂羊舌其人。此衍文無疑。錢宮詹曰。得非嬰為羊

舌之族。本是小字注。因羊舌下有脫文。誤進為大字邪。

公孫杵臼。公孫杵臼始見史趙世家。說苑復恩。新序節士。趙朔客。為匿趙孤見殺。

世家

宋神宗封忠智侯。

高宗加通勇忠智侯。加封英略公。

宋史紀志通考

葬忻州西北七里。

一統志

劉康公。劉康公始見左宣十。周語中亦曰王季子。

宣十經杜云字季子

定王母弟。

公羊宣十

頃王之子。

春秋分記

食采于劉。

杜世族譜

單襄公。案單襄子已列前第五。此必單靖公之譌。靖公始見左襄十及周語下。襄公之子。頃公之孫。

章注

杜譜叔向稱單子不忝前哲。必與單氏。故列中上。

苗賁皇。苗賁黃始見左宣十七。又作苗棼皇。

晉語五

又作釁蚡黃。

說苑善說

楚鬬伯棼之子。

章注

奔晉。食邑于苗。

杜注

本襄廿六傳。案。皇黃本通。焚賁古亦通。故左傳伯焚又作伯芬。蓋賁皇以父字為氏也。蚡字音近借用。惟釁字

可疑。盧學士羣書拾補說苑校本云。釁讀為門。與苗聲相近。左通載錢唐汪繩祖云。釁蚡合聲為賁。似欠的。

叔嬰齊。公孫嬰齊始見春秋成二。即子叔聲伯。始見左成六。魯語上。宣公母弟惠伯叔肸之子。宣十七經傳。魯語注。杜世族譜。叔其氏。

云子叔者。子是男子通稱。故以子冠叔。檀弓下疏。

宋華元。華元始見左文十六。楚語上。華督生家。家生御事。御事生元。左疏及春秋分記引世本。睥目皤腹而于思。左宣二。

葬華原陳留小黃縣城北。御覽五百五十八引越絕。

孟獻子。孟獻子始見左文十五。周語中。魯語上。即仲孫蔑。春秋宣九。亦曰孟孫。左成二。亦曰孟獻伯。韓子外諸左下。孟文

伯穀之子。章杜注表無文伯。魯語上稱孟文子。

樂正求。

牧中。樂正裘、牧仲惟見孟子。求蓋裘之省。

晉悼公周。晉侯周始見襄十五經。晉悼公始見成十八、襄十六經。傳周語下、魯語下、晉語六。周又作糾。

史晉世家集解。又作雕。公羊襄十五釋文。毛本作雕。晉襄公少子桓叔捷生惠伯談。談生悼公。世家。亦曰孫周。左成十七、晉語六、孫蓋其別氏。故周語稱孫談之子周也。亦

曰周子。成十八、周語。亦曰晉周。亦曰晉子周。周語。亦曰公子周。世家。亦曰晉悼。後書王允傳。生十四年立。成十八。十五年

卒。史年表、世家。

鄭唐。翟教授曰：左成十六鄢陵之戰，鄭唐苟為成公右而戰死，故表列中上傳寫脫苟字耳。

楚工尹襄。工尹襄惟見左成十六、晉語六。工尹楚官，襄其名。章注。

祁奚。祁奚始見左成八、晉語七。祁又作祈。呂氏春秋開春風俗通十反、易林旅之隨。奚又作倮。史晉世家。又作倮。大戴禮衛將軍篇。晉獻侯之後

舉生子瞞。瞞子梁伯高。高子奚。春秋分記舉見左僖十、瞞見僖廿八、又高誘呂注、晉語章注並作高梁伯、高氏姓名考作公子高梁伯。亦曰祁黃羊。呂氏春秋去私注云奚之字。亦曰祁

大夫。左襄廿一。亦曰祁子。易林蹇之乾旅之隨作祈子。食邑于祁。因以為氏。襄廿一注。墓在太原祁縣。通志氏族略三。案通志略三、略四分二

祁氏其一謂獻公四世孫奚食邑于祁遂以為氏或云隰叔之後與士氏同族其一謂周司馬祁父之後左傳有祁瞞似俱非高氏地名考略云祁邑先以處舉後以賜奚蓋未見程公說分記惟據通志為說史十二侯表晉趙魏世家亦但言公族宗家而已程自言得春秋世系一書不題撰人紀列國諸侯大夫之系旁行為圖次第可觀則必有所本矣潛夫志氏姓謂祁氏之班有祁氏亦非

羊舌職羊舌職始見左宣十五晉語七叔向父杜注晉羊舌大夫之子章注亦曰羊殖說苑善說東吳惠氏棟左傳補注云殖為舌職合聲

亦曰羊職文選褚淵碑文亦曰羊舌子列女傳三

魏絳魏絳始見左成十八晉語七絳又作降禮樂記疏引世本蓋古通魏犇子章杜注諡莊子左襄四廿三晉語七及樂記疏史魏世家集解索隱引世本而世家作昭

子索隱別引世本居篇亦作昭子唐書世系表七十二中從之恐非也自魏徙安邑本書地理志河東郡下注案世家言武子生悼子徙治霍悼子生絳索隱別

引世本居篇亦有悼子唐表從之而韋杜注並以絳為犇子無悼子一代襄三年傳疏云計其年世孫應是也先儒悉皆不然未知何故

張老張老始見成十八晉語七亦曰張孟晉語八章云老之字張仲十七代孫困學紀聞十二引張氏譜考潛夫志氏姓唐書世系表並言張老是張仲後裔案

潛夫論謂張仲後有張侯，張老。唐表謂張侯生張老。通志氏族略三謂因張侯之字命氏，恐皆不然。張氏

其來甚遠。詳前張仲下。不得言始于張侯，而晉張侯即解張。見左成二、晉語五。不得言是張氏。路史後紀十、國

名紀五、敍武穆之分有張。以采邑命氏，亦未確。竊疑晉之張自出張仲，故唐表云張仲後裔，事晉為大夫，

而解張乃解氏，當與解揚、解狐同族也。

籍偃。籍偃始見成十八、晉語七、字游。左昭十五疏引世本及章注。昔孫伯黶司晉典籍為籍氏。昭十五考路史後紀十謂籍氏為荀之別族，孫即荀也。通志氏

族略四言籍氏出伯氏，為林父之孫，或云晉文侯弟陽叔伯黶，並非。黶生司空頡，頡生南里叔子，子生叔正官伯。春秋分記作官正。伯生司徒公，公生曲沃正

少襄，襄生司功大伯，伯生侯季子。韋注稱籍季。子生籍游。世本。

汝齊。女齊始見左襄廿六，亦曰女叔齊。左昭元五。亦曰叔侯。襄廿九，昭五。亦曰司馬侯。襄廿九，昭元，晉語七八。亦曰司馬女叔侯。

襄廿九。

九。襄廿九。

宋子罕。子罕始見左襄六，即樂喜。襄九。宋戴公生樂甫術。一作術，說在前樂豫下。術生碩甫澤，澤生夷父須。左文十八疏引世本而檀

弓下疏引世本作石甫願繹夷甫傾。又唐書樂氏表作傾父澤。蓋兩傾字譌。願字衍。澤繹疑古通。
傾當作須生東鄉克。克生西鄉士曹。曹生子罕喜。檀弓疏引世本子孫以樂父

字爲氏。唐表通志氏族略三亦曰司城子罕。襄六所謂邑中之黔也。襄十案左文十八有樂呂。通志略謂公子衍曾孫

樂莒。莒孫喜。三國魏文帝志廣韻樂字注並作莒唐表謂衍孫須生呂。呂孫喜。左疏引世本亦云。須生大司寇呂。而檀弓疏引

世本言傾生東鄉克。傾乃須之譌。蓋須有二子。曰呂曰克。子罕是克之孫。以爲樂呂孫者誤也。或疑克卽

呂非。

向戌。向戌始見左成十五。春秋襄十五。釋文戌音恤。各本譌作戌亦曰合左師。襄十七杜注合向戌邑廣韻以合爲姓非宋桓公生向父盼。廣韻向字

注作盱春秋分記作盱盼生訾守。守生合左師。成十五疏引世本以王父字爲氏。廣韻注

范宣子。士句范宣子始見左襄八。說苑善說作范桓子誤士句始見成十七傳。襄八經。范句始見成十六。晉語六。句又

作丐。成十七釋文呂氏春秋開春注文子之子。章杜注據世本亦曰宣叔。史趙世家索隱引世本

晉邢蒯。邢蒯始見左襄廿一。案蒯乃欒盈勇士。出奔于齊。考襄廿三傳。齊伐衛。有邢公。疑卽蒯也。說

苑立節作邢蒯。死莊公之難。稱邢生守節死義。而韓詩外傳八又作荆蒯。稱荆先生。荆必邢之譌。蒯

贖音相近皆所傳別耳。

齊殖綽。殖綽始見左襄十八。案綽非邢蒯比不應列第四。

鄭游販。師古曰販音普板反。游販始見左襄廿二。字從目各本譌販。鄭公子偃子游宣子穆公子公孫薑子蟠桓子子游子游

販、公孫薑子。杜世族譜左襄八廿二注。字子明。襄廿二諡昭子。杜譜以奪妻見殺。襄廿二。

齊杞梁。杞梁始見左襄廿三。孟子檀弓下亦曰杞殖。襄廿三。杞又作芑。文選王褒洞簫賦注引琴操。殖又作植。晉崔豹古今注。梁字。

殖名。洞簫賦注。齊莊公襲莒死焉。檀弓。葬臨淄東三里。一統志。

殖妻。杞梁妻始見襄廿三。孟子檀弓下亦曰杞氏。後書劉愉傳。亦曰孟姜。孟子疏。哭其夫十日而城為之崩遂赴

淄水死。列女傳四。其妹明月悲姊之貞操為作歌。古今注而五代馬縞中華古今注明月作朝日。

華州。師古曰即華周。華周始見襄廿三。孟子亦曰華還。襄廿三長沙周大令宣武左傳附論云還名周其字。周又作舟。說苑立節善說雜言。還又作旋。孟子注疏。戰

死。說苑。案周、州、舟三字古通。韓詩外傳四舉太公于舟人荀子君道作州人詩舟人之子康成云當作周。

考工記作舟以行水注。故書作周。左宣十四楚申舟。呂覽行論注作申周。史趙世家秦攻西州。有本作西周。西河郡平周縣。史漢路博德傳並作平州。河內郡州縣。水經沁水條作周縣。隸釋堯廟碑以周而為舟。而新唐書蕭銑傳隋將張鎮州。隋書作鎮周。皆可互證。

祝佗父。師古曰。佗音徒何反。○佗字佗毛本。各本譌能。祝佗父惟見左襄廿五。崔杼弑莊公。祝佗父祭于高唐。至復命。不說弁而死。

于崔氏。同上。

申蒯。申蒯始見襄廿五。崔杼弑莊公。蒯漁于海而後至。將死之。至門。勿內。乃斷左臂以示杼。令其入。蒯

拔劍呼天。鬪而死。御覽三百六十九。四百十七。四百卅八。引新序。

陳不占。陳不占始見御覽四百九十九。引韓詩外傳。新序義勇。赴莊公難。聞戰鬪之聲。恐駭而死。新序。

士鞅。案路史發揮同名氏辨注。謂人表士鞅有二。一在中上。一在中下。相去不遠。殆不可曉。蓋未知此

士鞅為士魴之譌也。士魴始見成十八經傳。字季。諡恭子。食邑于蕤。故曰蕤恭子。亦曰蕤季。士會子。並見左成

十八。晉語七及韋杜注。晉語所謂武子之季。文子之母弟也。魴。鞅以音近而譌。公羊經作士彭。亦因音近致誤。

衛右宰穀臣。右宰穀臣始見呂覽觀表、孔叢陳士義。本作右宰穀。左襄十四。又作穀臣。文選廣絕交論注。為衛公孫免

餘所殺。左襄廿七。

厚成子。厚成叔始見左襄十四。亦曰郈成子。呂覽觀表、孔叢陳士義。亦曰厚孫。名瘠。襄十四。厚又作后。文選嵇康幽憤詩注引左傳、風俗通過舉。

檀弓上、本書五行志中上。本作郈。左昭廿五、定十魯語上。魯孝公子惠伯華之後。郈敬子國之子。郈青孫也。呂察微觀表注、而檀弓后木注華作鞏、疏引世本作革、又魯語郈敬

子注云、郈惠伯之後、玄孫敬伯同。為孝公八世孫。杜世族譜。左通補釋曰、通志氏族略三成叔為郈大夫。因以為氏。據韋注稱郈

惠伯。則惠伯始受郈邑也。大事表引韋注作孝公玄孫敬伯同。成叔為敬伯子。于孝公未得為八世孫。似誤。又考異曰、說文、厚、古文厚。集韻或作鄆。故郈作后。作厚。皆省文。

衛公子荆。公子荆始見左襄廿九。論語亦曰南楚。獻公子。杜世族譜。亦曰公南楚。左昭廿、荆字南楚、云公者、公子也、通志略謂楚字公南、非。

絳老人。絳老人惟見左襄三十。

史趙。史趙始見襄三十。晉太史。杜注。宋徽宗大觀三年封高都伯。宋史禮志。

士文伯。士文伯始見襄三十。字伯瑕。同名句。襄卅一。故亦曰士句。昭六。士渥濁之子莊子士弱。襄九及注。士弱之子

文伯。襄卅注。案文伯之名古本及杜譜作丐。而昭六年之士句或作士丐。古本作王正。譜以王正為雜人。

孔疏謂文伯不宜與范宣子同名。當作丐。今本作句。非。又謂士鞅不應取與父同姓名。人為介。依王正是。釋文辨伯瑕宣子不嫌同名。不妨為介。引魯兩嬰齊。鄭二子石證之。似勝孔說。句丐義同。宣子之名。本亦作丐。無所分別。而王正必士丐之譌文。未可據為定本也。考文伯乃士會從弟之曾孫。范句乃士會之孫。則文伯與范句。范鞅皆無服。況古人甚質。同名何害。

鄭卑湛。師古曰。卑音脾。湛音譏。裨譏始見左襄廿九。論語。裨又作卑。後書皇后紀下卑。整注引風俗通。又作譎。路史後紀十。譎本作湛。左釋文。謀野

則獲。襄卅一。淮南說山所謂出郭而知也。案湛譏蓋古通。卑疑裨之省。當與裨竈同族。路史以為裨氏出

于鄭。行人子羽。行人子羽始見左襄廿四。即公孫揮。襄廿四。廿六。卅一。亦曰行人揮。昭元。案襄廿六疏引世族譜。謂子

羽。穆公子。其後為羽氏。馬師頡是其孫。子羽見成十三。羽頡見襄卅。非行人子羽。公孫揮也。考譜鄭七穆中之子羽名鞏。

既與揮別。又鞏為穆公子。當稱公子鞏。且不為行人之官。自與公孫揮異矣。而哀十二年衛有行人子羽。

既與揮別。又鞏為穆公子。當稱公子鞏。且不為行人之官。自與公孫揮異矣。而哀十二年衛有行人子羽。

晏子諫上篇齊景公稱行人子羽疑卽左哀十一年之公孫揮皆在此後因名字之同故附論之。

馮簡子。馮簡子惟見左襄卅一其先畢公高之後魏之別封曰華侯華侯孫長卿食采馮城因命氏焉。

後書馮魴傳注、集韻注、路史後紀十而通

志氏族略三引世本謂馮氏歸姓無考

子大叔。太叔始見左襄廿二子太叔始見襄廿七卽游吉。襄廿八亦曰世叔。論語古世與太通見桓九疏游販弟。襄廿二注

衛北宮文子。北宮文子始見左襄卅一卽北宮佗。襄三十傳、昭十一經北宮括懿子成公會孫。杜世族譜及成十七傳注、括見成十七懿子見襄十

四佗、北宮括子。襄卅注

魯叔孫豹。叔孫豹始見左成十六春秋襄二卽叔孫穆子。襄七、魯語下亦曰穆叔。襄二亦單稱穆單稱叔。張衡思玄賦

莊叔得臣生豹。檀弓上疏僑如之弟。杜世族譜以不食卒。昭四

狐丘子林。壺丘子林始見呂覽下賢列子天瑞諸篇亦曰壺子。莊子應帝王列子天瑞黃帝亦曰壺丘子。列子黃帝仲尼亦曰壺

子林。淮南精神名林鄭人也。莊釋文案表依呂覽以壺子爲子產之師故敍于魯昭公時而列子言列子師之豈

寓言耶。狐壺古通。史晉世家壺叔。呂氏春秋當賞作陶狐。韓詩外傳三說苑復恩作陶叔狐。又弟子傳壺
鑿本表作狐鑿。後漢方術樊英傳壺山。注引張衡南都賦天封大狐。是其證也。

晉趙文子。叔弟寶繩曰。前已書趙武。故釋史以此為重出。然非也。表不列文子之子。則文當作景。趙景
子始見左昭七。晉語九是為趙成。見昭五傳。伯樂稱其纂脩先業。無謗于國。其居中上等固宜。

孟釐子。孟僖子始見左昭七。即仲孫纘。昭九經檀弓上孟獻子之子孺子速。莊子之子仲孫羯。孝伯。
疏引世本作獲。

杜世族譜。莊子孝伯始見襄十六。二十廿三廿四經傳表皆不列。僖子仲孫羯子。昭元釐讀曰僖。下皆類此。本表師亦稱孟孫。襄廿
古注。

孟懿子。孟懿子始見昭七。論語名何忌。昭七故曰仲孫何忌。昭卅亦曰仲孫忌。定六亦稱孟孫。左定八字子嗣。
論語

關中金石記僖子之子。昭七
蒼頡廟碑

南宮敬叔。師古曰。南宮适。南宮敬叔始見左昭七。魯語下。檀弓上。南宮氏敬諡。叔字也。昭七又作頃叔。說苑雜言。敬
頃古通借字。

春秋宣八敬贏。公穀皆作頃熊。名說。昭七又作閱。檀弓及左故曰仲孫閱。檀弓亦曰南宮說。魯語注。而檀弓及僖子之子。檀弓懿子之弟。
哀三注。

魯語與何忌師仲尼。昭七案。昭十一傳云。生懿子及南宮敬叔。明是懿子為兄。故章注謂說弟。而昭七傳云。
注。

屬說與何忌于夫子。又似敬叔爲兄。故杜譜謂何忌弟。并疑其雙生。二說以韋爲長。卽字叔。及別氏南宮。可見再南宮适、南宮縉、南容是一人。仲孫說、南宮敬叔是一人。表分列第三第四。甚明確。自世本誤以縉爲說。見檀弓疏。孔子國注論語。鄭康成注檀弓。陸氏釋文。小司馬索隱。並仍其誤。詳史記志疑廿八。師古不知适卽縉。遂錯認作敬叔也。

郟子。郟子始見春秋昭十七。葬沂州郟城縣南十里。一統志。案郟國未知何代所封。宣四年始見經。此

所列郟子。因問官故也。但郟子自言祖少昊。杜注本晉語。謂少昊己姓之祖。則郟爲己姓矣。而史秦紀論、

本書地理志東海郟注、釋例盟會圖疏、路史後紀、七國名紀二。並稱郟嬴姓國。豈緣嬴亦出少昊而誤歟。

老子。老子屢見諸子。是爲老聃。禮曾子問。陳國苦縣厲鄉曲仁里人。釋文史本傳。生卽皓然。故號老子。三國葛玄道德經序。名耳。

字聃。李氏。史傳。又神仙傳云。名重耳。呂覽不二重言篇聃作耽。李出嬴姓。爲伯益子恩成之胄。老子父乾。字元杲。周上御史大夫。娶益壽

氏女嬰。敷生聃。唐書宗室表。路史後紀七。而新舊唐書玄宗紀。稱老子父名敬。通典禮十三作復。西陽雜俎。玉格。以老子母爲玄妙玉女。又云洪氏。又云元君。路史注。又云滕氏。葛玄序及神仙傳。直謂李氏女。母感飛星。震

十有二年。路史。而史正義。神仙傳。十六國春秋前涼索綬傳。西陽雜俎。或云孕七十二年。或云八十年。或云三千七百年。以二月十五日。宋史徽宗紀。號貞元節。剖左腋而出。白首

能言。神仙傳。形長九尺。黃色鳥喙。耳長七寸。三門無輪。眉長五寸。如北斗。色綠。鼻雙柱。齒六八。額有三理。方

瞳龍顏。長綠毛。白血。足有八卦。抱朴子雜應。西陽雜俎。始名玄祿。路史。亦曰老君。水經陰溝水注。亦曰李叟。水經河水四注。弘明集劉勰滅惑論。廣弘明集釋道宣辨惑篇。

序。亦曰李老。後書朱穆傳。亦曰柱下翁。弘明集宋宗炳明佛論。亦曰摩訶迦葉。弘明集慧通駁夷夏論。路史發揮。化胡篇注。引造天地經。死葬槐里。水經渭水注。廣弘明集道宣辨惑序。

及疑問反。唐乾封元年。追號太上玄元皇帝。天寶二年。加號大聖祖。新舊唐書高宗。玄宗紀。尊聖祖父為先天太上皇。母

先天太后。舊書玄宗紀。天寶八年。加號聖祖大道玄元皇帝。舊書禮儀志。宋大中祥符六年。加號太上老君混元上德

皇帝。宋史真宗紀。案馬遷作傳疑老萊子。太史儋即老子。路史附會之。高誘注呂子當染重言。以舜所友之伯

陽。周幽王時之伯陽父。並指為老子。故隸釋老子銘。神仙傳。抱朴子。唐表。通志略四。路史皆謂老子字伯

陽。今本史老子傳有字伯陽。句乃後人妄竄。索隱辨之。甚且如葛玄謂老子為國師。代代不休。神仙傳俱載之。西陽玉格言老君具三十六號七十

二名。又有九名。別有九天上皇等號。而其生或云先天地出。神仙傳。或云從開闢以來。身一千二百變。莊子天地篇釋。

文引通。或云生于殷王陽甲之世。列仙傳。或云在周二百餘年。為文王、武王史。神仙傳。或云生于昭王二十四年。

路史發揮。或云生于宣王四十二年。平王時為太史。路史後紀七注。或云生于莊王十年。路史恆星篇。或云生桓王丁卯歲。

終景王壬午。壬午是敬王元年。或云生定王三年乙卯九月十四子時。乙卯是定元年。至敬王元年庚辰年八十五化胡。庚辰是景

王廿四年。並見廣弘明集卷一、卷十三。其壽或云不知其所終。或云二百餘歲。或云百六十餘歲。史傳。或云百九十六歲。廣弘明集十三。或云

二百七十。路史注。或云孔子沒十九歲而聃入秦。西歷流沙。化胡成佛。壽四百有四十。路史。凡此衆說。緣世人

多以老子為神靈異類。復因釋道兩家。競相依託。妖妄怪幻。當存而不論。至今本老子有列在第一等者。

考舊唐書禮儀志。天寶元年。詔史記古今人表。玄元皇帝昇入上聖。宋趙希弁讀書附志言。徽宗詔史記

老子傳。升列傳之首。自為一帙。前漢古今人表。列于上聖。是唐宋人改刊。非班氏元本也。而隸釋漢邊韻

老子銘。詆人表。抑老子與楚子西同科。為失。張晏注亦然。殊非通論。已辨見卷一。

南榮疇。師古曰。即南榮。也。謎音直俱反。南榮疇始見文子精誠。即南榮。疇又作儔。又作壽。又作疇。莊子釋文。通雅廿云。莊子注音。殊為

疇。蓋侏張。即佛。張古音通也。疇又作跣。賈誼新書勸學。古有善暴背南榮者。獻之于君。其後為民。廣韻注。亦曰榮跣。賈勸學。魯人。淮南脩務注。又淮作南策。

疇注南姓策疇字恐譌也

公伯寮。公伯寮始見論語。公伯複姓。廣韻注寮又作僚。史弟子傳又作窳。說文穴部又作繚。索隱本又作遼。索隱亦曰伯寮。論語

注字子周。史傳魯人。論語注開元贈任伯。唐志真宗封壽張侯。宋志案史以僚為孔子弟子先儒惟馬融注論語從

之。索隱引古史考謂公伯僚讒愬非弟子之流。宋儒皆同此說。見困學紀聞七家語不列其名。廣韻但稱魯大夫。

其不得為弟子明甚。豈馬遷所見弟子籍亦有竄入耶。唐宋俱依史傳贈爵配食。直至明嘉靖九年始黜

不祀。見明史禮志朱氏彝尊孔子弟子考獨主史記謂未可以一眚掩生平似非確論。

公肩子。公肩子始見春秋繁露俞序。公肩複姓。廣韻注即公肩定。字中。索隱本引史弟子傳及家語今本史作公堅家語作公賓通志氏族略三作公齊並誤

亦字子中。今本弟子傳家語作子仲魯人。史集解引鄭氏而集解或云晉人闕里文獻考或云衛人開元贈新田伯。唐志徽宗大觀四年封梁父侯。宋志及通考四十三

子石。子石始見史弟子傳。春秋繁露俞序說苑雜言即公孫龍。史傳家語龍又作寵。又作龔。索隱亦曰石子石。說苑

反楚人。史集解引鄭氏而開元贈黃伯。唐志真宗封枝江侯。宋志案龍寵古通。然其字子石。似宜作龔。白水碑作

公孫龔石。安知非誤分一字為二耶。至史索隱正義以趙人談堅白者當之。則誤甚。趙公孫龍在平原君門。與子思玄孫孔穿同時。豈得為仲尼弟子。

隰成子。案魯昭公時無所謂隰成子。若隰朋。則表已列第三。且必無以莊公時人而誤重于昭公之世者。次子者請曰。隰疑析之譌。衛析朱鉏。杜注謂是定公弟子叔黑背之孫。春秋分記謂公孫剽之子。通志氏族略三謂黑背字子析。以王父字為氏。朱鉏于昭公二十年齊豹之亂從靈公反國。賜諡成子。表居中。或即此人。

琴牢。牢始見論語。即琴張。左昭廿琴姓。廣韻注名牢。字子開。一字張。衛人。昭廿注家語序及弟子解。而孟子趙注謂子

為二人。唐追封亦亦日子牢。莊子亦日子琴張。莊子大開元贈南陵伯。通典五十三真宗封頓丘侯。徽宗政和元年。二琴並列非也。則陽宗師。通考四十三

改陽平侯。宋志通考

楚子西。子西始見左昭廿六。楚語下。即公子申。左哀平王之子。昭王庶兄。章亦日子椒。淮南白公殺之于

朝。以袂掩面而死。左哀十六

公子閭。依釋史本。各本譌闔。子閭始見左哀六。公子閭始見史楚世家。即公子啓。哀六。亦曰王子閭。淮南。繆稱。昭王兄。杜注。白公

欲以為王。不從。遂殺之。哀十。六。

五子胥。子胥始見左昭卅一名員。伍奢子。伍尙弟。適吳。昭廿。吳與之申地。吳語注。故曰申胥。吳語。越絕五。亦曰伍胥。

史本。傳。亦曰申子。楚辭。七諫。亦曰申氏。說苑。奉使。亦曰伍子。楚辭。涉江。身長丈。腰十圍。眉閒一尺。吳越春秋傳三。吳王夫差賜之屬鏤以

死。左哀十一。烹其尸。論衡書虛。命義刺孟。乃盛鴟夷而投之江。吳語。元成宗大德三年。封為忠孝威惠顯聖王。元史本紀。案五伍古

通。呂氏春秋異寶。抱朴子嘉遁皆作五員。本書藝文志亦作五子胥也。又釋文員音云。但唐書員半千。其先本劉氏。以忠烈自比伍員。因改姓員。宋董衝新唐書釋音曰。員王問切。廣韻平去二員字注並音運。姓也。通志氏族略四同。然則員雖讀云。並可作云。而惟姓與名專音去聲。故子胥之名。半千之姓。均當音運。唐書張嘉貞傳。當時語云。令君四俊。苗。呂。崔。員。尤足取證。後人讀伍員平聲。即唐人詩亦作平聲。用蓋仍釋文之誤。王觀國學林十曾辨之。路史後紀八注以讀運為好異。通雅廿卷以作去聲為非。皆未深考耳。又吳語子胥有縣曰東門之言。史吳越世家及本傳皆述之。乃一時忿辭。非實有其事。而莊子盜跖。呂氏春秋知化。韓詩外傳七。賈誼新書耳痺。楚辭劉向九歎並稱子胥抉眼。又荀子宥坐謂磔東門外。吳越春

秋三謂斷頭置高樓恐俱傳聞之異

江上丈人。江上丈人始見呂氏春秋異寶亦曰漁丈人。吳越春秋一渡伍胥過江即覆船自刎死江水中。越絕一吳

越春秋

史魚。史魚始見論語即史鮒。左襄廿九鮒字子魚呂覽召類注新序一其相反角御覽三百六十三引管子亦曰衛魚文選沈約齊安陸王碑死以

屍諫衛靈公。大戴禮保傳案杜譜列史鮒在雜人蓋不得其族系而閻氏四書釋地又續以為史朝之子高氏

姓名考亦云史魚朝子並謂即檀弓之衛太史柳莊不知何據

公叔文子。公叔文子始見左定六論語檀弓上本諡貞惠文子。檀弓下不言貞惠者文足以兼之。檀弓注即公

叔發。左襄廿九亦名拔。檀弓注衛獻公生成子當當生拔。檀公疏引世本當字公叔為公叔氏。通志氏族略三案論語集註作公孫

枝蓋仍集解孔注之誤但困學紀聞六引孔注是拔字豈朱子所見亦如今之譌本耶春秋定三年盟于拔公羊作枝其譌政同毛氏奇齡論語稽求篇謂拔即發之誤蓋是也即如文子之子春秋作公叔戌檀弓下亦云其子戌而檀弓上及孔叢抗志並作公叔木世本作公叔朱鄭注木當為朱釋文云木式樹反又音朱亦因朱戌音近而誤

中叔圉。圉始見左昭七。仲叔圉始見論語。仲叔似字。廣韻以為復姓。非。是為孔文子。論語左哀十一、十五。即孔圉。春秋定四。左哀元。孔達生得

閻叔穀。穀生成叔烝。烝生頃叔羈。羈生昭叔起。起生圉。禮祭統疏引世本。烝。烝見左成十四。昭七。羈見昭七。餘未見。圉又作圉。公羊定四。又作御。

御覽百七十亦曰文叔。祭統及疏引世本。

祝佗。師古曰。佗音徒何反。祝佗始見左定四。木作鮀。論語又詩下泉疏引左作鮀。字子魚。定四。

王孫賈。王孫賈始見左定八。論語。康叔子。王孫牟之後。春秋分記。而廣韻通志略五謂為王孫滿之後。出自周頃王也。葬大名府東明縣東

二十里。一統志。案。晏子春秋諫上。齊景公臣有祝佗。左定五年。楚昭王功臣有王孫賈。皆同時人。而此與

孔圉並列。當是衛靈公臣也。說苑權謀有王孫商。疑賈字之譌。錢宮詹曰。衛靈無道而不喪邦。由中叔圉三人之力。故皆入

第四等。此用論語說。

公父文伯母。公父文伯母始見魯語下。是為敬姜。檀弓下。魯公父穆伯之妻。列女傳。季康子之從祖叔母。魯語。而列

女傳謂莒女號戴已妄甚蓋誤以孟文伯穀之母爲公父氏之婦也

之矣

案叔向母列第二介推母列第三敬姜不在二母之下何以居第四張晏譏

衛公子郢

依釋史本各本譌逞

公子郢始見左哀二衛靈公子

杜世族譜

字子南

哀二

諡昭子

檀弓上疏引世本

觀射父

師古曰觀音工喚反

觀射父始見楚語下

鳴犢

竇犖

鳴犢始見史孔子世家竇犖始見晉語九竇氏出姒姓夏后相遭有窮氏之難其妃方娠逃出自竇而生少康少康次子曰龍留居有仍遂爲竇氏龍六十九世孫鳴犢爲晉大夫

廣韻注引風俗通及唐表七十一下通志氏族略四路史

後紀十四

又作犢犖

說苑權謀三國志劉廙傳注引新序

又作鳴鐸

世家集解

又作鐸鳴

三國志注引新序

又作澤鳴

說苑

亦曰竇叔子

子華子虎會問

爲趙簡子

所殺世葬常山

唐表一統志云在廣平永年縣西

案說苑云澤鳴犢犖孔丘三人三國志注引新序云趙有犢犖晉有鐸鳴

故孔叢記問云鳴犢與竇犖見殺表蓋仍劉向說列爲二人然非也古人名字相配犖牛息聲故字鳴犢世家索隱困學紀聞六路史後紀注並謂是其字且世家明曰竇鳴犢豈二人乎犢鐸聲近竇亦音徒各切與瀆通字既互異稱各不同惟澤乃鐸之譌耳

越句踐允常子師古曰句音鉤越王句踐始見左定十四吳語越語允常子始見史越世家是為莢執竹徒都琅邪

吳越春秋六越絕一二八竹書水經漸江水注嘗吳王搜惡後遂病口臭范蠡令左右食芩草亂其氣吳越春秋四

大夫種 大夫種始見左哀元吳語越語即文種吳越春秋七及十字少禽楚南郢人文選陸機豪士賦序注引吳越春秋而高誘注呂氏春秋當染云楚之鄒

人注尊師云楚郢人皆非楚地並屬譌文又高注云字禽史越世家正義云字子禽亦小異亦曰文子豪士賦序抱朴子知止句踐賜之劍而死越世家吳越春秋十葬山陰種山越絕外傳記地水經

漸江水注吳越春秋作西山續郡國志會稽山注引越絕作重山

后庸 后庸始見左哀廿六后又作洩哀二又作曳吳越春秋句踐入臣等傳又作澌文選王褒四子講德論又作泄本書董仲舒傳杜世族譜又作舌吳語

案唐石經哀廿六傳作舌庸廣韻注舌姓引越大夫為祖宋庠國語補音謂后姓非出越內傳作后是後人妄改則當以舌為定而洩與舌音近也洩姓出鄭泄澌並與洩同曳乃洩之省耳錢詹事跋唐人阿彌陀像文其書后為存左傳后庸

即舌庸之譌蓋

二字易相混

諸稽郢。依釋史本各本譌到。

諸稽郢始見吳語。亦曰柘稽。

史越世家。

案。吳越春秋歸國外傳稱大夫郢。則諸稽其氏。柘

與諸音近也。弟寶繩曰。韓詩外傳八句踐使廉稽獻民于荆王。說苑奉使作諸發。疑卽諸稽郢。

苦成。苦成始見吳語。又作車成。春秋繁露九。

皋如。皋如始見左哀廿六。吳語。皋陶之後。廣韻注。又作句如。吳越春秋歸國外傳。亦曰大夫宰。春秋繁露九。舉與皋同。亦曰渠如處。

賈誼新書耳痺。車裂回泉。耳痺。

計然。計然始見史貨殖傳。名研。本書敘傳答賓戲。及史集解徐廣注。又作計硯。吳越春秋七、九十。又作計倪。越絕四九。唐徐靈府文子注作研。通雅卷二十謂研之譌。余疑倪亦

硯之譌。硯與研同。研然音近。索隱謂倪研擊近相亂。又作罌研。楊慎集引漢碑。姓辛。字文子。葵丘濮上人。其先晉國亡公子。范蠡師事之。不肯自顯。

天下莫知。故稱計然。時遨游海澤。號漁父。馬總意林。史集解。裴注。文選魏曹植求通親親表注並引范子。亦曰辛文。北周書蕭大圜傳。案。本書孟康貨殖

傳注云。姓計。敘傳注云。古之善計者。兩注以善計之解爲是。至晉蔡謨謂計然乃范蠡所箸書篇名。甚誤。

前賢已非之。詳容齋續筆十六。宋高似孫子略謂計然姓章。名文子。通志略四謂姓宰。並非也。

儀封人。

長沮。師古曰。沮音子余反。

桀溺。

丈人。

何蕢。師古曰。蕢音廣。

楚狂接輿。

儀封人已下並始見論語。沮又作且。

隸釋婁壽碑。

何又作荷。古蕢又作輿。

說文古蕢字象形。

輿又作與。

莊子逍遙游釋。

文。

陸通字接輿。佯狂不仕。時人謂之楚狂。楚王遣使往聘。夫妻去隱峨眉山。壽數百年。俗傳為仙。

高士傳。陸通姓名本

列仙傳。亦曰狂接輿。莊子應帝王。法言淵鸞。

案。評林載明胡纘宗謂接輿是與夫子之輿相接。妄也。莊子逍遙游。人閒世。

應帝王。戰國秦策。荀子堯問。楚辭涉江。韓詩外傳。二史鄒陽傳。法言並稱接輿。胡孝思豈俱未寓目乎。乃近時有仍其說者。謂前云楚狂接輿。後云孔子下。有輿字在前。不復用車字。見論語書法之妙。莊子以為名。不足信。見閻氏四書釋地三續。毛氏奇齡西河集答柴陞升論子貢弟子書。亦謂接輿與孔子下為文。不是人名。而錢唐馮氏景解春集又謂接其姓。輿其名。引齊有接子作證。余皆未敢然之。

師襄子。師襄子始見史孔子世家。韓詩外傳五。亦曰師襄。列子湯問。淮南主術。亦曰師堂子。初學記十。六引韓詩。亦曰師堂。文選。七發。

亦曰師堂子京。七發注引韓詩。堂襄音近。子京其字也。案師襄子是衛樂師。非論語擊磬襄。故表判列兩人。自王肅偽撰家語。

其辨樂篇襲韓詩外傳。而妄增擊磬為官之言。遂合二襄為一。小司馬索隱。朱子集注。並仍其誤。高誘注

淮南云。魯樂太師。尤屬舛駁。不但師襄非魯伶官。而魯襄職司擊磬。豈得稱太師耶。

師己。仁和孫孝廉傳曾曰。表于前。昭公時已置師己在第五。此乃樂記之師乙。以字形譌也。故與賓牟

賈並列。

賓牟賈。賓牟賈惟見禮樂記。賓牟復姓。廣韻注。

公肩瑕。師古曰。即公肩假也。公肩假惟見檀弓下。假與遐通。因借作瑕。

衛視夷。師古曰。即式夷也。見呂氏春秋。案呂氏春秋惟長利篇有戎夷。廣韻注戎式皆姓。而表作視夷。古式字叶音試。大

雅蕩篇不義從式。可證與視聲近相借。因知今本呂覽作戎譌也。又式夷違齊如魯。天寒而死。注謂齊之

仁人。則此衛字亦誤。

史留。未詳。

豫讓

豫讓始見戰國趙策、呂氏春秋論威、晉畢陽之孫、策、趙因族以為氏、注、呂亦曰豫子、策、趙伏劍死汾水側、策、趙

水經注六

青荇子

師古曰、荇音步丁反

青荇始見呂氏春秋序意、又作青萍

文選陳琳答東阿王牋

又作清萍

水經注六

豫讓之友、自殺于汾水

梁下

呂序意及水經注

趙襄子

簡子子

趙襄子始見左哀廿七、晉語九、簡子子始見史趙世家、名無恤

左哀二十世家作毋卹、淮南道應作無卹

亦曰趙孟

廿、亦曰襄主

戰國秦趙策

亦曰襄王

魏策、韓子外儲說左

亦曰趙王

燕策皆追稱之

母翟婢

世家

葬山西忻州定襄縣東南五里

一統志

知過

師古曰、即知果

知過始見戰國趙策、即知果

晉語九

知氏之族

章注

別為輔氏

晉語、趙策

鮑焦

鮑焦始見戰國趙、燕策、莊子盜跖、亦曰鮑子

莊子立槁于洛水之上、韓詩外傳一新序七

墨翟

墨翟始見孟子、戰國齊策、宋之大夫

史孟荀傳

魯人

呂氏春秋當染慎大注、而神仙傳以為宋人

姓墨

廣韻注

本墨台氏所改

通志氏族略四

名翟。本書藝文志、呂氏當亦曰墨氏。孟子、宋策、亦曰子墨子。墨子書、亦曰翟子。文選齊孔稚案。孟子

楊、墨並言。諸子每云孔、墨、抱朴子名實篇稱班、墨、則墨其姓也。墨子耕柱、貴義、公孟、魯問及呂覽高義多

自稱翟。則翟其名也。乃元伊世珍瑯嬛記引賈子說林。失名。謂墨子姓翟。名烏。其母夢日中赤烏入室。驚覺

生烏。遂名之。誕不足信。

禽屈釐。師古曰。即禽滑釐者是也。屈音其勿反。又音丘勿反。禽滑釐始見墨子公輸、列子湯問、莊子天下。墨翟弟子。墨公輸、亦曰禽子。墨

所染耕柱等滑又作骨。列子楊朱。此釐又作釐。本書儒又作黎。呂氏春又作釐。呂氏春秋當

我子。

田侏子。師古曰。侏音求。

隨巢子。

胡非子。案。四子惟見本書藝文志墨家。廣韻注云。我姓。又呂覽首時言墨者田鳩。見秦惠王。注。田鳩、齊人。韓子外儲說左上及問田篇亦稱之。鳩、侏音近。疑為一人。隨巢當是氏。或謂氏隨名巢。無據。胡非複姓。廣韻注云。胡公之後有公子非。因以為氏。則胡非子齊人也。

魏文侯桓子孫。魏文侯始見禮樂記、戰國秦魏策。桓子孫始見史魏世家。名斯樂記疏世家。亦曰孺子癢索隱引世本。

本。立二十一年為侯。又十七年卒。凡三十八年。史六國表魏世家而竹書作五十四年。索隱引紀年作五十年。並非。葬汾州孝義縣西五里。一統志案。

世本桓子生文侯。惟世家以文侯為桓子孫。未定孰是。文侯之名。史表世本並作斯。國策吳注作勘。乃斯之譌也。唐表七十二中謂名都。殊非。蓋世家云。桓子之孫曰文侯。都魏讀者誤絕都字為句。以魏字連下文。侯元年作一句。又各本攙徐廣注于都字下。遂錯認為名耳。

李克。李克始見呂覽適威。史魏世家。又作里克。韓詩外傳十。里李古通。又作季充。呂覽舉難。因形近而譌。子夏弟子。本書藝文志。而釋文一云。子夏傳詩

曾申申傳魏人李克。則克是子夏門人也。

魏成子。案前有公季成在第五等。即魏成子。釋史以此為重出。似也。但相隔五行。不應複敍。疑成當作文。二字以音近而譌。魏文子相襄王。見魏策。表誤列于文侯時耳。或謂魏成季成是兩人。未確。

躬吾君。番吾君。惟見史趙世家。番音蒲。古文番作。因遂誤為躬字。

牛畜。

荀訢。

徐越 三人惟見史趙世家訢作欣

魯穆公元公子。魯穆公始見檀弓上。元公子始見史魯世家。穆又作繆。孟子名顯世家。又名衍。本書律志。又名不衍。

檀弓疏世家。在位三十三年。律麻志。世家及

費惠公師古曰。費音祕。費惠公惟見孟子。即魯季氏之僭。困學紀聞八

顏敢。

王慎。

長息。三人惟見孟子。案敢乃般之譌。慎順古通。孟子注云。長息。公明高弟子。

公明高。公明高惟見孟子。公明複姓。廣韻。曾子弟子。趙注

嚴仲子。嚴仲子始見戰國韓策。即濮陽嚴遂。韓策史。亦曰嚴翁仲。論衡。亦曰嚴氏。策。書虛。策。策。策。

聶政。

聶政姊。二人始見韓策。其先衛大夫。食采于聶。因氏焉。通志氏族略三。廣韻。聶政。軹深井里人。為嚴仲子報

仇自皮面抉眼屠腸以死。政姊嫫史譌亦自殺于屍下。韓策史刺客傳政死酸棗城北韓市見水經注八政冢在博州聊城縣。寰宇記五十四

孟勝。

徐弱。二人惟見呂覽上德。孟勝墨者亦曰孟子為荆之陽城君而死。其弟子徐弱亦死之。同上

白圭。白圭始見孟子、呂覽。圭又作珪。魏策名丹。孟子亦曰丹圭。法言魏人。魏策高注。案七國時前後有兩白圭。史

貨殖傳。白圭當魏文侯時。史述其言有商鞅行法語乃記事者潤益之。韓子內儲說下。白圭相魏。史鄒陽傳。白圭戰亡六城。為魏取

中山。白圭顯于中山。人惡之。魏文侯。此周人白圭也。圭其名。呂覽聽言、先識、不屈、應言、舉難、知分等篇稱。白圭與惠施、孟嘗君問答。韓子喻老。白圭之行堤。塞其穴無水難。魏策載白珪二事。在魏昭王時。蓋爾時猶存。此魏人白圭也。丹名。圭字。表列于孟子。魏惠王之間。則為魏白圭無疑。閻氏四書釋地續曾辨之。惟趙岐誤注周人。國策鮑注指其誤。而高誘注呂覽亦曰周人。凡三見。並錯合為一人。法言曰。子之治產。不如丹圭。已先錯矣。

鄒忌。鄒忌始見戰國齊策。亦曰鄒忌子。史田完世家。亦曰鄒子。齊策封下邳。號成侯。世家。故曰成侯鄒忌。為齊相。齊策。

又曰成侯卿。說苑臣術。脩八尺有餘。形類昞麗。齊策。

孫臏師古曰臏音類忍反

孫臏始見史孫子傳又作臏唐書世系孫氏表

亦曰孫子齊魏策

葬河間府吳橋縣東南十五里一統志

宋徽宗宣和五年追封武清伯宋史禮志

案史以孫武為齊人以臏為武後而吳越春秋闔閭內傳稱武吳

人本書藝文志于武云吳孫子于臏云齊孫子此表第五等亦稱吳孫武據唐孫氏表云田桓子無字子書字子占伐莒有功景公賜姓孫生憑字起宗生武字長卿奔吳子明食采富春為富春人明生臏則臏為武後審矣蓋明雖食采富春未久仍歸齊故史傳言臏生阿鄆之間至呂覽不二注謂臏楚人與史漢異恐非廣韻以武臏為衛孫氏後亦非腓刑曰臏因刑刑兩足而號之其名不傳惜哉

田忌 田忌始見齊策亦曰田期思世家索隱引國策亦曰田期竹書紀年亦曰徐州子期索隱引亦曰田臣思齊策伐燕章史田完世家錢宮

曆史記考異曰臣當作匠音怡與期音近案臣必匠之譌忌期匠並音相近齊策南梁章作田思臣誤思字蓋語辭猶春秋定六

年樂祁之為樂祁犁也又竹書有田公子居思在周威烈王時未知即田忌否
太史儋 周太史儋始見史周秦紀老子傳

商鞅 商鞅始見史本傳衛庶孽公子名鞅氏公孫秦孝公以為相封之于商號商君故曰公孫鞅亦曰衛鞅惠王車裂之史傳秦魏策案鞅刻薄少恩卒受惡名于秦其書言民不可學問以禮樂詩書等為六強若

鞅者何以居中上哉。

申子。申子始見韓策、荀子解蔽。名不害。韓策、史鄭之京人。史傳及呂覽任數注。

屈宜臼。屈宜臼始見史六國表、韓世家。臼又作咎。說苑權謀。

鐸椒。鐸椒始見史十二侯表。楚人。左氏釋文。為楚威王大傅。史表、本書藝文志。吳起之子期。以左傳傳鐸椒。釋文。椒采取

為鐸氏微。史表。

鄭敖子華。莫敖子華始見戰國楚策。案莫鄭雖同音。然疑唐已後傳寫之誤。又有本作鄭。尤誤。與史

扁鵲傳譌鄭作鄭政同。舊唐書地理志開元十三年以鄭類鄭字。改為莫。遂誤以莫為鄭矣。

史舉。史舉始見魏、楚策。上蔡監門。甘茂事之。楚策。

閻丘光。孫侍御曰。光乃先字之譌。漢人稱先生每單稱先。如史匈奴傳儒先。本書梅福傳叔孫先是也。

閻丘先生。齊宣王時人。見說苑善說篇。或曰傳寫脫生字。

閻丘印。閻丘印惟見新序五年十八。道遮齊宣王求仕。新序印字譌。

顏歎師古曰歎音觸。顏闕始見齊策。宣王稱曰顏先生。齊策闕歎音形相近。

王升。王斗惟見齊策。古文斗升字每相亂。

尹文子。尹文子始見本書藝文志。亦曰尹文。莊子天下、呂氏春秋正名。齊宣王時人。莊釋文。尹文複姓。廣韻注、列子周穆王篇有尹文先生、豈其先歟。

番君。未詳。

唐易子。唐易子惟見韓子外儲說右上。案韓子載二說。一云田子方問弋于唐易鞠。一云齊宣王問弋于唐易子。疑唐易是氏。先後兩人。

如耳。如耳始見秦策、韓子七術外儲說右上。如姓魏人。策注。

西周武公。西周武公始見史周紀、楚世家。威公子惠公。周紀。惠公子武公。史集解、考韓子六微稱周太子朝、疑是武公。亦曰西周君。

戰國東周策、史周、秦紀。亦曰周武君。呂氏春秋、秋貴卒。

陳軫。陳軫屢見戰國策。

占尹。太卜鄭箴尹惟見楚辭卜居。占與詹同。

應豎。未詳。

秦武王。惠王子。

秦武王始見秦、齊策。惠王子始見史秦紀。名蕩。史索

亦曰悼武王。史始皇紀末秦記、法言淵、齊篇秦記正義引括地志。

亦曰

武烈王。秦記索隱引世本、高誘呂氏春秋序。亦稱為帝。秦策黃歇上書。

生十九年而立。秦記。有力好戲。舉鼎絕膺而死。秦紀、趙世家、而甘茂傳言武王卒于周。

在位

四年。秦紀、秦記、六國表、索隱引世本作三年、非。葬永陵。秦紀。在扶風安陵縣西北畢陌。秦紀、集解引皇覽。

錢宮詹曰：秦孝公、惠王、昭襄王皆在

第六。武王好勇輕生。又其下者。豈當超居四等。此轉寫之誤。非孟堅意也。秦武、任鄙、烏獲皆宜與孟說同等。

任鄙。任鄙始見史秦紀、樗里子傳。秦力士。秦紀。

公羊子。公羊子始見公羊桓六。稱子公羊子。名高。公羊序疏。齊人。本書藝文志。子夏弟子。公羊釋文。宋大中祥符二年。封臨淄伯。

宋史真宗紀、禮志、通考四十三。

穀梁子。穀梁子始見穀梁隱五。魯人。本書藝文志、儒林傳。名淑。字元始。一名赤。穀梁序疏及釋文。而王應麟玉海引疏作淑。通考亦作淑。其字為元始。似當作淑。又

名真。論衡又名喜。藝文志子夏門人。與秦孝公同時。釋文宋真宗封龔丘伯。徽宗政和元年改睢陵伯。宋史禮志通考

四十

萬章。萬章惟見孟子。史孟荀傳。萬姓章名。孟子弟子。趙注亦曰萬子。孟子盡心下葬鄒縣西南。一統志又見濟南新城縣南宋政

和五年封博興伯。宋史志

告子。告子惟見孟子及墨子公孟。告姓。趙名勝亦曰子勝。困學紀聞八引文選陳琳為曹洪與魏文書案孟子趙注謂告子

名不害。嘗學于孟子。蓋臺卿誤認告子即浩生不害也。然盡心篇注云浩生姓不害名齊人。固各為一人。

亦不言是弟子。則學于孟子之說無據。孟子稱曰告子其非弟子可知兩注元有牴牾。宋史禮志政和五年封

告子不害東阿伯。朱子集注。告子名不害。皆沿誤。趙注通考覺其誤。改稱浩不害以混之。而不知浩生複

姓與浩星同。儒林傳皓星公受穀梁廣韻注作浩星近時朱氏彝尊孟子弟子考。孟裔衍泰三遷志俱謂浩生不害封東阿。未免

臆斷。乾隆二十一年衍聖公孔昭煥請罷孟廟告子從祀。朝議從祀乃浩生不害。並非告子。遂寢其奏。

薛居州。薛居州惟見孟子。

樂正子。樂正子惟見孟子。名克。孟子弟子。注。趙政和五年。封利國侯。宋史志。案。樂正克蓋樂正子春之後。

列子仲尼篇有樂正子輿。或疑是克之字。

高子。高子惟見孟子。二。兩篇。齊人嘗學于孟子。注。趙政和五年。封泗水伯。宋史志。案。孟子中高子有二。此與

樂正子並列。必是弟子。非告子篇之高叟也。釋文吳徐整云。子夏授詩高行子。即詩絲衣序及孟子告子篇所稱高子。其年長于孟子。故以叟呼之。困學紀聞卷三誤合為一人。至韓詩外傳二高子問孟子衛女

何以編于詩。則亦此弟子也。公羊文四年有高子。

仲梁子。仲梁子惟見檀弓上。詩定之方中傳魯人。注。鄭案。左定五有仲梁懷。蓋其先也。韓子顯學云。儒

分為八。有仲梁氏之儒。

孔穿。子思玄孫。孔穿始見列子仲尼。呂覽聽言。子思生白。字子上。子上生求。字子家。子家生箕。字子京。子京

生穿。字子高。年五十一。史孔子世家。

王歎。師古曰。歎音觸。王歎始見說苑立節。本作觸。史田單傳。燕入齊。聞畫邑人王蠋賢。封以萬家。蠋經其頸于樹枝。自

奮絕脰而死。田單傳說苑作蓋邑人。墓在澧水南山西。水經澧水注一統志云在臨淄縣西愚公山口。

燕昭王。三十九世噲子。燕昭王始見燕策。在位三十三年。史六國表燕世家。葬直隸永平府玉田縣。一統志又云易州東十里。案燕史簡

略代系多缺。故表以世言之。又策史以昭王為太子平。恐不然。平已死齊難。昭王是噲之別子。說在史記

志疑九。

郭隗。郭隗始見燕策。葬易州涑水縣東十里。一統志。

白起。白起屢見戰國策。邯人。史本傳。為人小頭而銳。瞳子白黑分明。御覽三百六十六引晉孔衍春秋後語。亦曰白公。為武安君

賜死于杜郵。秦策。案趙策有公孫起。吳注云。即白起。豈秦之公族歟。唐表以為白乙丙之裔也。秦策惠王時有武安子起。

當別一人。起字衍。

田單。田單屢見戰國策。又作陳單。賈誼新書胎教。號安平君。秦策。亦曰都平君。趙策。宋徽宗宣和五年。封昌平伯。宋史禮志。

案張晏注舊在第五。今列第四。乃後人因張注升之。

趙奢。趙奢號馬服君。始見趙策。葬邯鄲西山上。史本傳集解。續邯鄲國志注。

縮高。縮高惟見魏策。安陵人。為其子守管。刎頸而死。同上。

公孫弘。師古曰。齊人也。孟嘗君所使。見戰國策。公孫弘始見齊策。呂氏春秋不侵。案中山策亦有公孫弘。吳注以為即此人。

未的。韓子說林言斷髮為越王騎。又一公孫弘與漢平津侯為四。困羅紀。聞十一已言之。余因考後漢明

帝時有公孫弘。見天文志。虞延傳。晉惠帝時有公孫弘。見王渾。潘岳。楚王瑋傳。是有六公孫弘也。

侯嬴。侯嬴始見史魏公子傳。魏隱士。年七十。為大梁夷門監者。亦曰侯生。同上。亦曰嬴門。抱朴子。嘉遁。公子救趙。

侯生北鄉。自到送之。史傳。墓在開封浚儀縣南十二里。寰宇記一。

平原君。平原君屢見秦。趙策。趙惠文王弟。史魏公子傳。名勝。趙策。故曰趙勝。史本傳。亦曰平原。賈誼新書。過秦論。葬直隸廣平

府肥鄉縣東南七里。一統志。

毛遂。毛遂始見史平原君傳。稱曰毛先生。同上。亦曰毛生。抱朴子。接疏。葬肥鄉南七里。一統志。又云在永年縣南二里。又云在滕縣東南故薛城北。

蒙恬。蒙恬屢見史記。其先齊人蒙驁。自齊事秦。驁子武。武子恬。二世囚于陽周。吞藥自殺。本傳亦曰蒙公。

淮南人間。寰宇記

謂冢在咸陽疑。

韓非。韓非始見秦策。韓之諸公子。為人口吃而善著書。與李斯俱事荀卿。亦曰韓子。史本傳李斯妬其才。

論衡遺藥使自殺。本傳死雲陽。史始

燕將渠。將渠惟見史燕世家。案史稱大夫將渠。則將渠是名。失其姓耳。索隱謂人名姓。一云將官渠。

名並非。

樂間。依毛馬本各本譌樂燕

樂間始見燕策。樂毅子。史毅傳

高漸離。高漸離始見燕策。離又作麗。論衡書虛荆軻之客。善擊筑。始皇矐其目。使擊筑。乃以筑擊始皇。不中。

而死。燕策史刺客傳案史通品藻篇譏表在第五。今列第四。是轉寫失之。

